



文苑英華卷第九百七十五

行狀五

行狀

秘書少監陳京行狀一首

段大尉逸事行狀一首

右散騎常侍宜城伯柳公行狀一首

秘書少監陳公行狀

柳宗元

五代祖叔明陳宜都王魯祖某皇會稽郡司馬某皇晉陵
郡司功參軍父兼右補闕翰林學士贈秘書少監某州某
縣某鄉某里陳京年若干狀公姓陳氏自潁川來隸京兆
萬年胃貴里諱京旣冠字曰慶復舉進士爲太子正字咸
陽尉太常博士左補闕尚書膳部考功員外郎司封郎中

給事中祕書少監自考功已

集作

來凡四命爲集賢學士

德宗登遐公病疴輿曳就位備哀敬之節由是滋甚遂以所居官致仕貞元二十一年四月二十五日終于安邑里妻黨之室無子伯兄前監察御史璫仲兄前大理評事萇以公文行之大者告于嘗吏于公者使辭而陳之大曆中公始來京師中書常舍人袞楊舍人炎讀其文驚以相視曰子雲之徒也常以兄之子妻公由是名聞遊太原太原尹喜曰重客至矣授館致餼厚以泉布獻焉公曰非是爲也某嘗爲北都賦未就願即而就焉其宮室城郭之大河山之富關閉之壯與其土疆之所出風俗之所安王業之所由興苟得聞而覩之足矣若曰受大利是以利來非

集字

蓋

前志也吾不能敢辭遂逆大河踰北山彷徨而歸賦成

果傳天下爲咸陽尉晉府廷主文章決大事得其道爲博士舉疵禮脩墜典合于大中者衆焉涇人作難公徒行以出奔問官守段忠烈之死上議罷朝七日宰相曰不可方居行官無以安天下公進曰是非宰相之言天子褒大節哀大臣天下所以安也况其特異者乎上用之其勞動侍從謀議可否時之所賴者大巡符告

集住

至上行罪已之道焉曰凡我執事之臣無所任罪予惟不謹於理而有是也將復前之爲相者公曰天下加惠羣臣而引慝焉德之厚也而爲相者復無以大警于後且示天下率其黨爭之上變於色在列者咸恟而退公大呼曰趙需等勿退遂進

而盡其辭焉不果復上迎訪太后聞集作問數歲外頗怠其

禮公密疏發之天子感悅焉初禮部試士有與親戚者則

附于考功莫不陰授其旨意而為進退者及公則否卓然

有有司之道不可犯也太廟闕東向之禮且久矣公自為

博士補闕尚書郎給事中允二十年動集作勤以為請殷祭

之不隧繫公之忠懇是賴故有有赤紱銀魚之報焉昭陵

山峻而高寢宮在其上內官懲其上下之勤輓汲之難也

謁于上請更之上下其議宰相承而諷之召官屬使如其

請公曰斯太宗之志也其儉足以為法其嚴足以有奉吾

敢顧其私容而贊集作替之也奏議不可上又下其議凡是

公者六七人其餘皆曰更之便上獨斷焉曰京議得矣從

之在集賢奏秘書官六員隸殿內而刊校益理納資為賈

而仕者罷之求遺書凡增繕者乃作藝文新志制為之名

曰貞元御府羣書新錄始御府有食本錢月權其贏以為

膳有餘則學士與校理官頒分之學士常受三倍由公而

殺其二書史之始至入禮幣錢六十緡亦皆分焉公悉致

之官以理府著作書閣廣羣官之堂不取於將作少府而

用大足居門下簡武官議典禮上以為能益器之與信臣

議且致相位遇公有感疾使視之疾甚不能知人遂不用

鄭吏部高太常為相而以秘書命公所以示優之也公有

文章集作章若干卷深茂古老慕司馬相如楊雄之詞而其

詰訓多尚書爾雅之說紀事朴實不苟悅於人世得以傳

一
三

藁其學自聖人之書以至百家諸子之言推黃炎之事涉
歷代洎國朝之故實鈎引貫穿舉大苞小若太倉之蓄崇
山之載浩浩乎不可知也豈揚子所謂仲尼駕說者耶夫
其忠烈之褒也相府之有誠也太廟之東向也昭陵之不
更其故也官守之不奪也立言之不可誣也利之不苟就
也害之不苟去也其忠類朱雲其孝類潁考叔其廉類公
儀休而又文學以輔之五文字集作以而天子以為之知
既得其道又得其時而不為公卿者病也故議者咸惜其
始而哀其終焉公之喪凡五十四日而夫人又歿毀也夫
人之父曰偕司農卿祖曰某贈太子太保宗元故集賢史
也得公之遺事於其家書而授公之友以誌公之墓謹狀

貞元八年

集作水貞元年是

八月五日尚書禮部員外郎柳宗元

狀

段大尉逸事狀

前人

大尉始為涇州刺史時汾陽王以副元帥居蒲王子晞為
尚書領行營節度使寓軍汾州縱士卒無賴邠人偷嗜暴
惡者率以貨竄名軍伍中則肆志吏不得問日羣行丐取
於市不嫌輒奮擊折人手足推釜菑甕盎集住道上袒
集把臂徐去至撞殺孕婦人邠寧節度使白孝德以王故
戚不敢言太尉自州以狀白府願計事至則曰天子以生
人分集住公理公見人被暴害因恬然且大亂若何孝德
曰願奉教太尉曰某為涇州甚適少事今不忍人無暴寇

集作寇暴死以亂天子邊事公誠以都虞候命某者能為公已

亂使公之人不得害孝德曰幸甚如大尉請既署一月晞

軍士十七人入市取酒以刃刺酒翁壞釀器酒流

集作溝

中大尉列卒取十七人皆斷頭注槊上植市門外晞一營

大譟盡甲孝德震恐召大尉曰將奈何大尉曰無傷也請

辭於軍孝德使數十人從大尉大尉盡辭去解佩刀選老

甕者一人持馬至晞門下甲者出大尉笑且入焉曰殺一

老卒何甲也吾戴吾頭來矣甲者愕因諭曰尚書固負若

屬耶元帥固負若屬耶奈何欲以亂敗郭氏為白尚書出

聽我言晞出見大尉大尉曰副元帥勲塞天地當務

一有為字

始終今尚書恣卒為暴且亂亂天子邊欲誰歸罪罪且及

副元帥今邠人惡子弟以貨竄名軍籍中殺害人如是不

止幾日不大亂大亂由尚書出人皆曰尚書倚副元帥不

戢士然則郭氏功名其與存者幾何言未畢晞再拜曰公

幸教晞以道恩甚大願舉

集作奉軍以從顧叱左右曰皆解

甲散還火伍中敢譁者死大尉曰吾未哺食請假設草具

既食曰吾疾作願晉宿門下命持馬者去旦日來遂卧軍

中晞不解衣戒候擊折衛大尉且俱至孝德所謝不能請

改過邠州由是無禍先是大尉在涇州為營田官涇大將

焦令謀取人田自占數十頃給與農田且熟歸我半是歲

大旱野無草農以告謀謀曰我知入數而已不知旱也督

責益急農且飢死無以償即告大尉大尉判狀辭甚異使

責益急農且飢死無以償即告大尉大尉判狀辭甚異使

人來集作永諭謀謀盛怒召農者曰我畏段某耶何敢言我

判鋪背上以大杖擊二十垂死輿來庭中太尉太泣曰乃

我困汝即自取水洗去血裂裳衣瘡手注善藥旦夕自哺

農者然後食取騎馬賣市穀代償使勿知淮西寓軍帥尹

少榮剛直士也入見謀大罵曰汝誠人耶涇州野如猪人

且飢死而不得穀又用杖擊無罪者段公仁言大人也而

汝不知敬今段公惟一馬賤賣市穀入汝汝又取不耻凡

為人傲天災犯大人擊無罪者又取仁者穀使主人出無

馬汝將何以視天地尚不愧奴隸耶謀雖暴抗然聞言則

天愧流汗不能食曰吾終不可以見段公一昔集作夕自恨

死及太尉自涇州以司農徵戒其族過岐朱泚幸致貨幣

慎勿納及過泚固致大綾三百兩集作疋太尉壻韋晤擊獲

不得命至都太尉怒曰果不用吾言晤謝曰處賤無以拒

也太尉曰然終不以在吾弟以如司農治事堂榷之梁木

上泚反太尉終吏以告泚泚取視之其故封識具存

段太尉逸事如右

元和九年某月日守永州司馬員外置同正員柳宗元謹

上史館今之稱大尉大節者集作出入二字以為武人一特奮不

慮死以取名天下不知大尉之所立如是宗元嘗出入岐

周邠縶問過真定北上馬嶺歷亭郭堡戍竊好問老校退

卒能言其事大尉為人煦煦集作姁姁常低首拱手促集作行步

言氣卑弱未嘗以色待物人視之儒者也遇不可必達志

文苑英華 卷一百七十五 周全

决非偶然者會州刺史崔公來言行信集作信行直備大尉遺事覆校無疑或恐上逸墜未集大史氏敢以狀私於執事謹狀

故銀青光祿大夫右散騎常侍輕車都尉宜城縣開國伯柳公行狀 前人

曾祖善才皇荆王侍讀祖尚素皇潤州曲河縣令父慶休皇渤海郡渤海縣丞贈蔡州刺史工部尚書汝州梁縣梁城鄉思義里柳渾年七十四狀公字惟深其先河東人晉永嘉年有濟南大守卓者去其土代仕江左公實後之柳氏自黃帝后稷降於周魯以字命族因地受氏載在左氏丙外傳及太史公書自卓至公十有一代為士林盛族著

于南朝 代史及柳氏家諜惟公質貌魁傑度量宏大弘和博達而遇節必立恢曠放弛而應機能斷其居室奉養撫字之誠儀于宗戚而內行著其蒞政柔仁端直之德洽于府寺而外美彰焉凡為學畧章句之煩亂採摭奧旨以知道為宗凡為文去藻飾之華靡汪洋自肆以適已為用自始學至於大成耽嗜文集注意鑽礪倦不知遊息威不待擾楚儒言經蜀本作雅昔夙有聞知年十餘歲有稱神巫來告曰若相法當夭且賤幸而為釋可以緩而死耳位祿非若事也公諸父素加撫愛尤所信異遽命奪去其業從巫之言也公不然之二字集作可且曰夫性命之理聖人所罕言播紳者集有所字不道巫何為而能言之耶集作盡之也且令從之

而生去聖人之教而為異術不若速死之愈也於是為學甚篤其在童幼固不惑於譎恠集作矣開元中舉汝州進

士計偕百數公為之冠禮侍郎韋陟異而目之一舉上第

調授宋州 父尉操斷舉措通乎細大潔廉檢守形於造

次加雲騎尉秩蒲江南西道連帥聞其名辟至公府以信

州都邑人罹凶害靡弊殘耗假守永豐令公於是用重典

以滅奸暴鋪大和以惠鰥寡毆除物害消去人隱吏無招

權乾沒之患政無犯令龍戎集作之臺宰制聽斷漸於無

訟集作息耕夫復於疆封集作商旅交於關市既庶而富廉

耻與焉既富而教庠塾列焉里閭大變克有能稱遂表為

汝州豐城令到職如永豐之政而仁厚加焉授衢州司馬

夫器宏者耻効以圭撮之任足逸者難局以尋常之地公

遂滅跡藏用遁隱于武寧山羣公交書諸侯走幣皆謝絕

不就方將究賢人之業窮君子之儒味道腴以代膏粱動

德耀集作而輕綏冕遺榮養素恬淡如也朝右籍甚有聲

徵拜御史公曰君命也安敢逃乎即日裝束上道公常好

大體不為細故家之迫速集作非其志也以疾辭授右補

闕不隱忠以固位不形直以干集作名除殿中侍御史賜

緋魚袋赴江西與租庸使議復權鐵及常平倉便宜制置

得以專任蜀本作和鈞關石之緒出納平準之宜國利人逸

得其要術集作遷侍御史充江南西道都團練判官時屬

支郡不知連帥之職公請出巡盡征之地大詰姦謬所至

文苑英華 卷一百一十五

風動其有非常之政裕于人者必舉其課績歸之使府而集無而字又以文采慤慤歌詠之俾其風謚誦聲聞于他部達

于京師而後已改祠部員外郎轉司勳郎中餘如故就拜
袁州刺史公於是酌古良牧之政宜於今者宗而奉之考
諸理國之說稱于人者承而守之均利器用以致其富昭
明物則以教之禮示優裕之德以周惠利緩九賦推廣厚
之心以固和慈保萬人明其制量臨長羣吏示之法禁考
中備敗無不得其極理行高第朝廷休之召拜諫議大夫
充浙江東西道黜陟使將舉其能政端于外邦也公則脩
虞書之考績舉漢代之課第處事詳諦無依違故縱之賅
奉法端審無隱忌峭刻之文時分部所繫於公尤重陵江

並海竟吳越之域皆所蒞焉復命稱職加朝散大夫又拜
左庶子集賢殿學士奉翊儲后脩其宮政統理文籍總干
祕府尚書左丞直而多容簡而有制去苛削之文而吏皆
率法務弘大之道而政不失中加銀青光祿大夫遷為右
散騎常侍涇卒之亂公以變起卒遽盡室奔匿于終南山
賊徒訪公所在追以相印既及公而問焉公變名氏以給
之捐家屬以委之賊遂執公愛子榜筆訊問折其右肱而
公不之顧即步入窮谷披草徑踰秦集作秦嶺由褒駱朝于
行宮上嘉其誠節不時召見公頓首流涕累陳計畫賊平
策勲賜輕車都尉封宜城縣開國伯拜尚書兵部侍郎初
公名載字元輿至是奏請改命以滌偽署之汙是歲盜據

淮許方議討戮宰相以大理評事李元平者有名以為才
堪攘寇拜為汝州羣臣望聲徇利者皆曰德舉公獨慷慨
言於朝曰是夫喋喋銜玉而賈名者也王衍誤天下殷浩
敗中軍華而不實異代同德徃且見獲何寇之攘時人不
之信也未幾盜襲汝州以元平歸凡百莫不嗟服焉俄以
本官同中書門下平章事登庸聖集作登聖皇聖皇匡弼大政造
膝盡規諫之志當事無矜大之容援下情干上以酌天心
順嘉譽于外用彰君德故一有績用茂著而人罕知之然
其彰布于外敷聞在下者十有一二焉貞元初上以旬服
長人天下理本於是親擇郎吏分宰於京師外部未幾而
人謠大和擊壤之頌歸於帝力上召丞相告之左僕射平

章蜀本有事張延賞忤蹈稱慶公俯伏不賀且曰旬服

政固宜慎重然則此胥胥者特京兆尹之職耳陛下當擇
臣輩以輔聖德臣當選京兆以承大化京兆當求令長以
親細事夫然後宜捨此而致理可謂愛人矣然非王政之
大倫也不知所賀上深然之漢惠慘酷參之絳侯慙曲逆
之對考之前志我無負焉既而西戎乘間入邑詐以請盟
侍中北平王璲建議許之自公卿已集作下莫有異慮公
獨陳謀獻畫言戎之詐固不可許竟留中不下而前議遂
行於是冊命上將蒞盟諸戎果縱兵逼好大毆掠而去上
召對前殿嘉嘆者久之時諫臣有廷爭陷於訕上者上未
之善也公從容候間陳古以諷所以示寬裕之德招讜正

之言詞旨切直意氣勲懇動合聖謨卒見納用無何工人
有以埋乘輿服噐得罪于左右者有司以盜易御物請論
如法制初可之公不奉詔因抗疏曰跡其罪狀未甚指明
方春殺人懼集作傷和氣上覽之大悅即原其罪刑官慎
恤之事正於邦典

聖君含育之德彰于天下論者難之時上相與光祿卿裴
腆不協候公休沐以御酒或闕陰請貶之制命旣行公堅
執不下請訊支計之吏校其供入之實原本定罪窮理辯
刑而腆竟獲宥克復本職白志貞有羈勒之勤獻利集作
屢中上嘉其功效特寵異之方議大用公以爲胥徒雜類
出自微賤負乘致寇盜之招也累疏以聞而止公竭誠盡

忠憂勞庶務有耄忘之疾懇集作逼

集作迫

陳讓除右散騎常侍

罷知政事貞元五年二月五日薨於昌化里終於散地故
褒贈不及惟公致君之志孜孜焉不有怠也立誠之節侃
侃焉無所屈也故處心積慮博蹇之道表于朝端弼違釋
回朴忠之誠沃於帝念內有敢言之勇進當不諱之明用
能直道自達而無罪悔者也公累更重任祿秩之厚布于
宗姻無一屢之士以處其子孫無一畝之宮以聚其疾屬
待祿而飽傭室而安終身坦蕩而細故不入其達生知足
落落如此夫其孝恭慈仁義行也集作子恭父拊循至理
能政也直廉潔靜儉德也拒疑獨斷明識也 冒危以扞
牧圉大節也犯顏以陳訐謨至忠也有一于此尚宜旌褒

矧茲備體鳥集作馬可以已固當飾以榮號章示後來而故
吏遺孤淪寓遐壤久稽尋典罪在宗屬敢用評隲舊行敷
贊遺風若乃揚孔氏褒貶之文舉周公懲勸之法徵於誅
謚則有司存謹狀

貞元十五年三集作正月日故銀青光祿大夫右散騎常侍

輕車都尉宜城縣開國伯柳公孫將仕郎守集賢殿正字

元謹上後有尚書考功狀英華元編在八百四十一卷謚議門

文苑英華卷第九百七十五

行狀六

行狀

文苑英華卷第九百七十六

檢校尚書左僕射中書門下平章事兼汴州刺史董
公晉行狀一首

檢校禮部尚書東海公徐申行狀一首

尚書吏部侍郎韓愈行狀一首

鞏縣令白府君行狀一首

襄州別駕白府君行狀一首

金紫光祿大夫檢校尚書左僕射同中書門下平

章事兼汴州刺史充宣武節度副大使知節度事

管內度支營田汴宋毫穎等州觀察處置等使上

柱國隴西郡開國公贈太傅董公晉行狀

曾祖仁琬皇任梁州博士祖大禮皇贈右散騎常侍父伯良皇贈尚書左僕射公諱晉字混成河中虞鄉萬歲里人少以明經上第宣皇帝居原州公在原州宰相以公善爲文任翰林之選集有旣以二字聞召見拜祕書省校書郎入翰林爲學士三年出入左右天子以爲謹愿賜緋魚袋累昇爲衛尉寺丞出翰林以疾辭拜汾州司馬崔圓爲揚州詔以公爲圓節度判官攝殿中侍御史以軍事如京師天子識之拜殿中侍御史內供奉由殿中爲侍御史入尚書省爲主客員外郎由主客爲祠部郎中先皇帝時兵部侍郎李涵如迴紇立可敦詔兼侍御史賜紫金魚袋爲涵判官迴

紇之人來曰唐之復土疆

集作取

迴紇之力焉約我爲

馬馬旣入而歸我賄不足我以於使人乎取之涵懼不敢對

視公公與之言曰我之復土疆爾信有力焉吾非無馬而

與爾爲市爲爾賜不旣多乎爾之馬歲五至

集有吾字

數皮而

歸資邊吏請致詰也天子念爾有勞

集有故字

下詔禁侵犯諸

戎畏我大國之爾與也莫敢校焉爾之父子寧而畜馬蕃

者非我誰使之於是其衆皆環公拜旣又相率南面序拜

皆兩舉手曰不敢復有意於大國自迴紇歸拜同勳郎中

未嘗言迴紇之事遷祕書少監歷太府太常二寺亞卿爲

左金吾衛將軍今上即位以大行皇帝山陵出財賦拜太

府卿由太府爲左散騎常侍兼御史中丞知臺事三司使

選擢才俊有威風始公為金吾始集作未盡一月拜太府由

太府集無此三字九日又為中丞朝夕入議事於是宰相請以

公為華州刺史潼關防禦鎮國軍使朱泚之亂加御史大

夫詔至于上所又拜國子監祭酒兼御史大夫宣慰恒州

於是朱滔自范陽以迴紇之師助亂人集作心字大恐公既出

至恒州即日奉詔出兵與滔戰大破走之還至河中李懷

光反上如梁州懷光所率皆朔方兵公知其謀與朱泚合

也患之造懷光言曰公之功天下無與敵公之過未有聞

於人某至上所言公之情上寬明將無不赦宥焉乃能為

朱泚之臣乎彼為臣而背其君苟能集作得志於公何有且

公既為太尉矣彼雖寵公何以加此彼不能事君能以臣

事公乎公能事彼而有不能事君乎彼知天下之怒朝之

戮死者也故求共同罪而與之比公何所利焉公之敵彼

有餘力不如明告之絕而起兵襲取之清宮而迎天子庶

人服而請罪有司雖有大過猶將掩焉如公則雖敢議語

已懷光拜曰天賜公活懷光之命喜且泣公亦泣則又語

於其將卒如語懷光者將卒呼曰天賜公活吾三軍之命

拜且泣公亦泣故懷光卒不與朱泚當是時懷光幾不反

公氣仁語若不能出口及當事乃更踈亮捷給其詞忠其

容貌温然故有言於人無不信集作字明年上復京師拜左

金吾衛大將軍由大金吾為尚書左丞又為太常卿由太

常拜門下侍郎平章事在宰相位凡五年所奏於上前者

...

皆二帝三王之道由秦漢已降未嘗言退歸未嘗言所言
於上者於人子弟有私問者公曰宰相所職繫天下天下
安危宰相之能與否可見欲知宰相之能與否如此視之
其可凡所謀議於上前者不足道也故其事卒不聞以疾
病辭於上前者不記集作已退以表辭者八方許之拜禮部
尚書制曰事上盡大臣之節又曰一心奉公於是天下知
公之有言於上也初公為宰相時五月朔會朝天子在位
公卿百執事在庭侍中贊百僚賀中書侍郎平章事實叅
攝中書令當傳詔詞疾作不能事凡將大臣朝會當事者
既受命皆先日習儀于時未有詔公卿相顧公遂巡進北
面言曰攝中書令臣某病不能事臣請代某事於是南面

宣致詔詞已復位進退甚詳為禮部四年拜兵部尚書入

謝遷上語問

問字集住移時

日晏復有入謝者上喜曰董某入疾

且損矣出語人曰董公且復相既二日拜東都留守判東

郡尚書省事充東都畿汝

蜀本有州字

都防禦使兼御史大夫

仍為兵部尚書由留守未盡五月拜檢校尚書左僕射同

中書門下平章事汴州刺史宣武軍節度副大使知節度

事管内度支營田汴宋毫穎等州觀察處置等使汴州自

大曆來多兵事劉玄佐益其師至十萬人

表本無一人

玄佐死

子仕寧代之畋遊無度其將李萬榮乘其畋也逐之萬榮

為節度一年其將韓惟清張彥林作亂求殺萬榮不克三

年萬榮病風昏不知事其子迴復欲為士寧之故監軍使

俱文珍與其將鄧惟恭執之歸京師而萬榮死詔未至惟
恭權軍事公既受命遂行劉宗經韋弘景韓愈實從不以
兵衛及鄭州逆者不至鄭州人為公懼或勸公止以待有
自汴州出者言於公曰不可入公不對遂行宿圃田明日
食中矣逆者至宿八角明日惟恭與表文作及諸將至遂逆以
入及鄆三軍緣道謹聲庶人壯者呼老者泣婦人啼遂入
以居初玄佐死吳湊代之及鞏聞亂歸仕寧萬榮皆自為
之而後命軍士將以為常故惟恭亦有志以公之速也不
及謀遂出逆既而私其人觀公之所為以告曰公無為惟
恭喜知公之無害已也委心焉進見公者退皆曰公仁人
也聞公言者皆曰公仁人也環以相告故大和蜀本有玄

佐遇軍士厚士寧懼不復加厚焉至萬榮如士寧志及

張亂又加厚以懷之至于惟恭每加厚焉故士集有卒驕

不能禦則置腹心之士幕於公庭庶下挾弓執劍以須日

出而入前者去日入而出後者至寒暑時至則加勞賜酒

肉公至之時時字集作明日皆罷之貞元十二年七月也八月上

命汝州刺史陸長源為御史大夫行軍司馬楊凝自左司

郎中為檢校吏部郎中觀察判官杜倫自前殿中侍御史

為檢校工部員外郎節度判官孟叔度自殿中侍御史為

檢校金部員外郎支度營田判官職事修人變蜀本作俗

化嘉木生白鵲集蒼鳥集作鳥來巢嘉瓜同蒂聯實四方至

者歸以告其帥小大咸懷有所疑輒使來問有交惡者公

與平之累請朝不許及有疾又請之且曰人心易動軍旅多虞及臣之生計不先定至於集作他日事或難期猶不

許十五年二月三日薨於位上三日罷朝贈太傅使吏部

員外郎楊於陵來祭弔其子贈布帛米有加公之將薨也

命其子三日歛既歛而行於行之四日汴州亂表本有君故字

子以公為知人公之薨也汴州人歌之曰濁流洋洋有闕

其郭閭道謹呼公來之初今公之歸公在喪車又歌曰公

既來止東人以定今公歿矣人集作誰與安始公為華州

亦有惠愛人思之公居處恭無妾媵不飲酒不諂笑好惡

無所偏與人交泊如也未嘗言有問者曰吾志於教化享

年七十六階累升為金紫光祿大夫勲累升為上柱國爵

累升為隴西郡開國公娶南陽張氏夫人後娶京兆韋氏

夫人皆先公終公四子全道唐書作全素按表本蜀

全溪系表及韓愈作董溪墓誌溪全素全解下同全道按表本蜀

按唐世辭並無全字蓋全道文素出於賜名也全道全

素皆上所賜名全道為秘書著作全素為秘書省秘書郎全

素為大理評事解為大常寺大祝皆善士有學行謹具歷

官行事狀伏請葉考功并牒大常議所謚牒史館請垂編

錄謹狀集作伏上

貞元十五年五月十八日故吏前汴毫潁等州觀察推官

將仕郎試秘書省校書郎韓愈狀

金紫光祿大夫檢校禮部尚書使持節都督廣州

諸軍兼廣州刺史兼御史大夫充嶺南節度營田

觀察制置本管經畧等使東海郡開國公食邑二

千戶徐公行狀

李翱

曾祖仁徹隋吉州太和縣丞祖玄之皇考功員外郎贈吏部郎中諫議大夫考又皇汾州司戶叅軍贈信州刺史京兆府萬年縣青蓋鄉交原里東海徐公年七十公諱申字維降東海郊人未泰元年寄籍京兆府舉進士得秘書省正字初辟巡官于江西又掌書記于嶺南行營哥舒氏之亂平奏授大理評事轉司直兼監察御史賜緋魚袋又充節度判官于朔方改授大司議郎兼殿中侍御史遷授洪州都督府長史時刺史嗣曹王舉江西兵討李希烈故以長史行刺史事任職有成曹王薦之遷韶州刺史四十

餘年刺史相循居于縣城州城與公田三百頃皆爲墟

令丞尉雜處人

集作民

屋公乃募百姓能以力耕公田假之

牛犁粟種

集作與字

食所收以其半與之不假牛犁者三分與

其

集無此字

二田久不理草根腐地增肥又連遇宜歲得粟比

餘田畝盈若干凡積粟三萬斛將復築室于州故城令百工之技以其藝來者與粟有差刺史臨視給與吏無所行其私以故人皆便信應募者數千人陶人不知墁而塗有餘圩人不板築而墻有餘築人不操斤斧而工有餘陶者圩者築者工者各以其所能相易未十旬而城郭室屋建立如初刺史以官屬遷于新城縣令之下各返其室創六驛新大市二道四館器用皆具曲江縣五百人以狀詣觀

察使請作碑立生祠公自陳所為不足述假令如百姓言乃刺史職宜如此何足多者不願以小事市蜀本名觀察

使嘉其讓密以狀聞遷合州刺史其始來也韶之集有戶

僅七千凡六年遷合州及其去也倍其初之數又盈四千

戶焉初先夫人歿於江西遭賊難未克返葬寓于西原公

不赴合州表請奉喪歸柩于河南府偃師縣既滄景觀察

使奏請景州刺史河北之俗刺史闕其帥輒以寮屬將校

自為之不請者有年矣宰相累進刺史名皆不出及召公

入言合上旨遂下詔遷朝散郎使持節景州諸軍事景州

刺史充本州團練使兼御史中丞賜紫金魚袋尋加節度

副使其明年滄景節度使始朝其二年又朝遂畱詔以其

從父兄代之奏公充行軍司馬公遂以信州府君瑩近漕

河表求改葬於重山詔許之既徵入京師遷朝散大夫使

持節都督邕州諸軍事守邕州刺史本管經畧招討使御

史中丞賜紫如故是歲貞元十七年也詰俚盜除其暴掠

良聚攻禁下集作如今通蠻夷道責土貢大首領黃氏帥

其屬納質共賦黃氏周氏韋氏儂氏皆羣盜也黃氏之族

最強盤亘十數州周儂集作氏之不附之也率羣黃之兵

以攻之而逐諸海黃氏既至羣盜皆服於是十三部二十

九州之蠻寧息無寇害其明年制遷使持節都督廣州諸

軍事守廣州刺史兼御史大夫充嶺南節度觀察本管經

畧等使散官賜集作此字如故前節度使歿掌印吏盜授人職

百數謀夜發兵爲亂事覺奔走公至陰以術得首惡殺之不問其餘軍中以安蠻夷俗相攻劫羣聚緣道發輒捕斬無復犯者蕃國歲末互市奇珠璣瑁異香文犀皆浮海舶以來賞賈是供不敢有加舶人安焉商賈以饒二十一年進階銀青光祿大夫元和元年詔加金紫光祿大夫檢校禮部尚書封東海郡開國公食邑二千戶餘如故詔書未至有疾薨于位三佐藩屏之臣五爲刺史一爲經畧使一爲節度觀察使階累升爲金紫光祿大夫爵超進爲開國公官亟遷爲禮部尚書其事業皆足以傳示後嗣爲子孫法享年七十雖不極集作登於上壽儒者榮之前夫人渤海高氏子皆早夭後夫人扶風竇氏封國夫人有子元弼前

右衛倉曹參軍以讀書屬文爲業謹具歷官行事如前代請牒太常編錄謹狀

正議大夫行尚書吏部侍郎上柱國賜紫金魚袋

贈禮部尚書韓公行狀

前人

曾祖秦皇任曹州司馬祖濬素皇任桂州長史父仲卿皇任祕書郎贈尚書左

蜀本作在

僕射公諱愈字退之昌黎某人

生三歲父歿養於兄會舍及長讀書盡能記他生之所習年二十五上進士第汴州亂詔以舊相東都留守董平爲平章事宣武軍節度使以平汴州晉辟公以行遂入汴州得試祕書省校書郎爲觀察推官晉卒公從晉喪以出四日而汴州亂凡從事之居者皆殺死武寧軍節度使張建

封奏為節度推官得試太常寺協律郎選授四門博士遷
監察御史為幸臣所惡出守連州陽山縣令政有惠於

于下及公去百姓多以公之姓名集作命其子改江陵府法

曹叅軍入為權知國子博士宰相有愛公者將以文學職

處公有爭先若構公語以飛之公恐及難遂求分司東都

權知三年改真博士入省為分司都官員外郎改河南縣

令日以職分辨於晉守及尹故軍士莫敢犯禁入為職方

員外郎華州刺史奏華陽縣令柳澗有罪遂將貶之公上

疏請發御史辨曲直方可處以罪則下不受屈既柳澗有

犯公由是復為國子博士改北部郎中史館修撰轉考功

郎中修撰如故數月以考功知制誥上將平蔡州先命御

史中丞裴公度使諸軍以視兵及還奏兵可用賊勢可以

滅頗與宰相意忤既數月盜殺宰相又害中丞不克中丞

微傷馬逸以免遂為宰相以主東兵自安祿山起范陽陷

兩京河南北六七鎮節度使身死則立其子作軍士表以

請朝廷因而與之及貞元季年雖順地節將死多即軍中

取行軍副使將校以授之節習以成故矣朝廷之賢恬然

於所安以苟不用兵為貴議多與裴度相異惟公以為盜

殺宰相而遂息兵其為耻集作儒甚大兵不可以息以天下

力取三州尚何不可與裴丞相議合故兵遂用而宰相有

不便之者月蒲遷中書舍人賜緋魚袋後竟以他事改太

子右庶子元和十二年秋以兵老久屯未滅上命裴丞相

為淮西節度使以招討之丞相請公以行於是公因本
官集作此三字兼御史中丞賜三品服及魚三字集作衣魚為行軍司

馬從丞相居於鄆城公知蔡州精卒聚界上以拒官軍守
城者率老弱且不過千人亟白丞相請以兵三千人間道
以入必擒吳元濟丞相未及行而李愬自唐州文城壘提
其卒以夜入蔡州果得元濟蔡州既平布衣栢耆以計謁
公公與語竒之遂白丞相曰淮西滅王承宗膽破可不勞
用眾宜使辨士奉相公書明禍福以招之彼必服丞相然
之公令栢耆口占為丞相書集有明禍福使四字栢耆袖之以至鎮州
王承宗果大恐上表請割德棣二州以獻丞相歸京師公
遷刑部侍郎歲餘佛骨自鳳翔至傳京師諸寺集作百姓時字

有燒指與頂以祈福者公奏疏言自伏羲至周文武時
未有佛而年多至百歲有過之者自佛法入中國帝王事
之壽不得集作能長梁武帝事之最謹而國大亂請燒棄佛
骨疏入貶潮州刺史移表州刺史百姓有以男女為人隸
者公計備以償其直而出歸之入遷國子祭酒有直講能
說禮而陋於容學官多豪族子擯之不得共食公命吏曰
召直講來與祭酒共食學官由此不能賤直講奏儒生為
學官日使會講生徒奔走聽問皆相喜曰韓公來為祭酒
國子監不寂寞矣改兵部侍郎鎮州亂殺其帥田弘正征
之不克遂以王庭集作庭下同奏為節度使詔公往宣撫既行
眾皆危之元稹奏曰韓愈可惜穆宗亦悔有詔令至境觀

事勢無必於入公曰安有受君命而滯留自顧遂疾驅入
庭奏嚴兵拔刃弦弓矢以逆及館甲士羅於庭公與庭奏
監軍使三人就位既坐庭奏言曰所以紛紛者乃此士卒
所為本非庭奏心公大聲曰天子以為尚書有將帥材故
賜之以節實不知公共徒見語未得乃二集作大錯甲士
前奮言曰先太史為國打朱滔滔遂敗奔集無走血衣皆
在此軍何負朝廷乃以為賊乎公告曰見郎等且勿語聽
愈言愈時為兒郎已不記先太史之功與忠矣若猶記得
乃大好且為逆與順利與病二字集不能遠引古事但以
天寶來禍福為兒郎等明之安祿山史思明李希烈梁崇
義朱滔朱泚吳元濟李師道復有若子若孫在乎亦有君

官者乎眾皆曰無又曰田令公以魏博六州歸朝廷為

度使後至中書令父子皆有授旄集作節子與孫雖在童幼

集作者以為好官窮富集貴寵榮耀天下劉悟李祐皆居

大鎮王承元年始十七亦仗節皆三軍耳所聞也眾乃曰

田弘正刻此軍故軍不安公曰然汝三軍亦害田令公身

又殘其家矣復何道眾乃謹集作曰侍郎語是侍郎語是

集本不用庭奏恐眾心動遽麾眾散出因泣謂公曰侍郎

來欲令庭奏何所為公曰神策六軍之將如牛元翼比者

不少但朝廷顧大體不可以棄之耳而尚書久圍之何也

庭奏曰即出之公曰若真則無事矣因與之宴而歸之牛

元翼果出及還於上前盡奏與庭奏及三軍語上大悅曰

卿直向伊如此道由是有意欲大用之王武俊贈太師呼
太史者燕趙人語也轉吏部侍郎比令史皆不鎖聽出入
或問公公曰人所以畏鬼者以其不能見也鬼如可見則
人不畏之矣選人不得見令史故令史勢重聽其出入則
勢輕改京兆尹兼御史大夫特詔不就御史臺謁後不得
引爲例六軍將士皆不敢犯私相告曰是尚欲燒佛骨者
安可忤故盜賊止遇旱米價不敢上李紳爲御史中丞械
囚送府使以尹杖杖之公曰安有此使歸其囚是時紳方
幸宰相欲去之故以臺與府不協爲請出紳爲江西觀察
使以公爲兵部侍郎紳旣復晉公入謝上曰卿與李紳爭
何事公因自辨數日復爲吏部侍郎長慶四年得病滿百

日罷旣罷以十二月二日卒於靖安里第公氣厚性通論

議多大體與人交始終不易凡嫁內外及交友之女無主

者十人幼孤養於嫂鄭氏及嫂歿爲之服菘集作菘服以服之

深於文章每以爲自揚雄之後作者不生集作出其所爲文

未嘗放集作效前人之言而固與之並自貞元末以至於茲

後進之士其有志於古文者莫不視公以爲法有集二十

卷集作四小集十卷及病遂請告以罷每與交友言旣終以

處妻子之語且曰某伯兄德行高曉方藥食必視本草年

止於四十二某踈愚食不擇禁忌五集作位爲侍郎年出伯

兄十五歲矣如又不足於何而足且獲終牖下幸不至失

大節以下見先人可謂榮矣享年五十七贈禮部尚書謹

具任官事跡如前請牒考功下大常定謚并牒史館謹狀

故鞏縣令白府君行狀 集作 白居易

白氏莘姓楚公族也楚熊居太子建奔鄭建之子勝居于

吳楚間號白公因氏焉楚殺白公其子奔秦代為名將乙

丙巳降是也裔孫白起有大功於秦封武安君後非其罪

賜死杜郵秦氏憐之立祠廟於 集作 咸陽至今存焉及始

皇思武安之功封其子仲于大原子孫因家焉故今為太

原人自武安已下凡二十七代至府君高祖諱建北齊五

兵尚書贈司空曾祖諱士通皇朝利州都督祖諱志善朝

散大夫尚衣奉御父諱溫朝請大夫檢校都官郎中公諱

鍾字上鍾都官郎中第六子幼好學善屬文尤工五言詩

有集十卷年十七明經及第解褐授鹿邑縣尉歷晉陵縣

尉汜水縣尉 集無此 洛陽主簿酸棗縣令酸棗有善政本

道節度使令狐章知而重之秩蒲奏授殿中侍御史內供

奉賜緋金魚袋充滑臺 集作 節度叅謀軍府之要多咨度

焉居歲餘公常規章之失章不聽公因留書移章不辭而

去明年遷授河南府鞏縣令在任三考自鹿邑至鞏縣皆

以清貞靜理聞於一時公為人沉厚和易寡言多可至於

涉是非關邪正者辯而守之則確乎不可拔也大曆八年

五月三日遇疾歿於長安春秋六十有八其年權殯 集作

於下 集無下 邽縣下邑里夫人河東薛氏薛氏 集作 之父

諱倣河南縣尉大曆十二年六月十九日歿於新鄭縣之

私第享年七十以其年權窆於新鄭縣臨洧里公有子五人長子諱季庚庚世系表同襄州別駕事具後狀次諱季殷徐州沛縣令次諱季軫許州許昌縣令次諱季寧河南府叅軍次諱季平鄉貢進士元和六年十月八日孫居易等始發護靈襯遷葬於下邳縣集有義津鄉北原而合祔焉謹狀

襄州別駕白府事狀

前人

公諱季庚字子申鞏縣府君之長子天寶末明經出身解褐授蕭山縣尉歷左武衛兵曹叅軍宋州司戶叅軍建中元年授彭城縣令時徐州為東平所管屬本道節度使反反之狀先以勝兵屯埧口絕汴河運路然後謀東窺江淮

朝廷憂虞計夫有出公與本州刺史李洧潛謀以徐州

有口城歸國反拒東平東平令集作驍將信都崇敬石隱

金等率勁卒二萬攻徐州徐州無兵公合吏民得千餘人

與李洧堅守城池親當矢石晝夜攻拒凡四十二日而諸

道救兵方至既而賊徒潰運路通首挫逆謀不敢東顧繇

是徐州一郡七邑及埧口等三城到手今訖不隸東平者

實李洧與公之力也德宗嘉之命公自朝散郎超授朝散

文夫自彭城令擢拜本州別駕賜緋魚袋仍充徐泗觀察

判官故其制云今徐州集無州將忠謀翻然仗集作順叶

其誠美共贊國集作圖我懸爵賞候茲而授宜加佐郡之

命仍寵殊階之序貞元初朝廷念公前功加檢校大理少

卿依前徐州別駕當道團練判官仍知州事故其制云嘗
學彭城挈而歸國舊勳若此新寵茂如集有不延厚於忠

臣將何勸於義上宜從亞列再貳徐方秩蒲又除檢校太
理少卿兼衢州別駕秩蒲本道觀察使皇甫政以公政績

聞薦又除檢校大理少卿兼襄州別駕貞元五集作年十
五集作月二十八日終於襄陽官舍享年六十有六其年權

寔於襄陽縣東津鄉南原至元和六年十八日嗣子居易
等遷於下邳縣義津鄉北原從輩縣府君宅兆而合祔焉

夫人穎川陳氏陳宜都之后祖諱璋利州刺史考諱潤坊
鄰城縣令妣太原白氏陳氏集作無兄弟姊妹八歲丁鄰

城府君之憂居喪致哀主祭盡敬其情理有過成人者中
外姻族咸稱異之十五歲事舅姑服勤婦道夙夜九年

于奉蒸嘗睦娣姒待賓客撫家人又三集作十三年禮無
違者故中外凡為家集婦者皆景慕而儀刑焉及別駕

府君即世諸孤集作尚幼未就師學陳氏集作親執詩書
威集作夜教導恂恂善誘未嘗以一呵一扶加之十年之

也為女孝如是為婦順如是為母慈如是舉三者百行可
知矣建中初以府君彭城之功封穎川縣君元和六年四

月三日歿于長安宣平里第享年五十有七其年十月八
日從先府君祔于皇姑焉有子四人長曰幼文前饒州浮

梁縣主簿次曰居易前京兆府曹叅軍翰林學士次曰行

簡前祕書省校書郎幼子金剛奴無祿早世初高祖贈司空有功於北齊詔賜莊宅各一區在同州同城縣至今存焉故自司空而下都官郎中而上皆葬於同城今以下歸不便遂改卜鞏縣府君及襄州別駕府君兩塋於下邳縣義津鄉北原其兩塋同兆域而異封樹蓋從時宜且叶吉也謹狀

文苑英華卷第九百七十六

文苑英華卷第九百七十七

行狀七

行狀

工部尚書致仕崔滌行狀一首

左金吾大將軍郟晟行狀一首

浙江西道觀察使崔郾行狀一首

吏部侍郎沈傳師行狀一首

銀青光祿大夫守工部尚書致仕上柱國中山郡

開國公食邑二千戶贈陝西大都督博陵崔公行

狀

呂溫

曾祖諱承福皇朝太中大夫廣越二府都督祖諱先意皇朝朝議大夫鄧州刺史父諱嶽皇朝朝議大夫鄭州長史

贈左散騎常侍狀斧藻天理立為人極敬終端本彼所以
將就誠明褒歿勸存此所以砥礪名教然而以道行已晦
而彌光大君子之行也以法考行直而無黨賢有司之職
也且曰獻狀則唯所知公清莊而和博厚而敏岐嶷而夙
茂羈貫集作非而老成性約情克靜專動直出入孝悌周旋
忠信始以經明上第調佐夏陽次以詞麗甲科超尉王屋
事迫於官而舉言迫於事而揚欲藏智而蒙滯來求不近
名而聲華見逼故相左僕射張公時尹洛京首得才實洎
鎮荆蜀致於幕旌再兼理官專領記室捷集作捷筆良畫二
邦有聞旋遣內艱毀瘠僅立善居得禮族黨稱之免喪之
歲天子南狩大尉西平王大會兵車將圖匡復公首膺辟

任濬發義心琴未成聲履及於路感激而將星芒怒謀
而兵校廓清翠華既還優典斯及拜殿中侍御史時有寵
臣為京兆者政以暴聞吏有冤弊公表陳枉直仗閣待旦
言忠主悟事寢風生以繩違稱職轉侍御史以求瘼慎選
為華原令大兵之後早歲為虜公勞徠不倦弛張以宜復
流庸於潤屋闢曠土為多稼俄改歙州刺史地雜歐駱號
為難理下車而簡其約束朞月而明其信誓然後破散谿
聚剪鋤山豪既去害羣之姦遂寧挺集作挺險之俗徵拜長
安縣令威聲先路不肅而理鏗刃餘地所投皆虛擢同州
刺史國歉於豐量賑為糴號里倉者三百所而凶年備矣
戒以暴骸諭之速朽成薄葬者九百家而奢俗懲矣都人

有豪奪鄉悍陰持吏失朋構訟集作獄累政患之集作公所患公

斷以尋斧破其囊橐人樂其殺而法制行焉郡城自禦寇

之餘復隍殆盡朝貢所經夷夏何仰公悅使襁負大輿版

築下不知役而扁固立焉其餘則去思有碑詳在篆述可

覆視也朝議陟明遷於陝服封介晉楚寄分函洛而戒備

不脩兵庫虛閉公乃鳩工以利器閱實以練卒金革中度

義勇知方既而有淮西之役晨令暮具凜然而可觀矣河

出城下造舟為梁經費儉集作始匪工敗决相繼公乃沉石而

雙固中泚省艦而三分巨流集作水與意會勢若天成既

而有奔濤之沴智勝功顯終然而無害矣其餘則三降靈

書就加爵秩是明徵也移疾入覲貳職冬官歸載不過

書晉府盈乎粟帛豐公約私於是乎在至既陳乞以尚

致仕集作室不交要路之賓口不言當代之事就陰委順

談者多之公目解巾至於撒樂思不踰矩動無集作越思

以忠貞為仕模以勤儉為家訓身居侯邸清節如初男降

王姬素風愈厲羈孤聚室人各忘其亡布褐分庭士不知

其貴體溫柔而事至能斷性坦易而物莫得窺集作當官

不務於名聲所去必遺其功利昨謹尚在時論可徵已踰

書葬之期請舉易名之典謹狀

元和三年四月日故銀青光祿大夫守工部尚書致仕贈

陝州大都督博陵崔公從禰集作甥朝議郎司封員外郎

上騎都尉賜緋魚袋呂溫謹上

文苑英華 卷九百七十七 當

尚書考功夫立身之道始於君親中於其人終於其身若
府君者居喪有聞臨難有功善其始也勤於官業惠於鰥
寡敬其中也家事以理年至而退謹其終也率是三懿光
于前訓以咨謚法無媿至公謹狀

銀青光祿大夫檢校戶部尚書左金吾大將軍兼
御史大夫上柱國河南縣開國公食邑二千戶贈
紫金魚袋太子少保柳公行狀 沈亞之

為漢中宿賓撰

魯祖該皇任陵州錄事參軍贈陵州刺史祖岑皇贈祕書
監父潭皇太僕卿駙馬都尉贈司空狀公諱晟其先河東
人也肅宗時詔取儒賢配主其父以門業集作棄中選拜太

僕卿尚和政公主主及太僕繼喪而公年始十二孝聞宮

姻既去喪代宗憐之召養宮中令與皇太集無子諸王俱

受學故公得通籍中禁詔以吳大瓘為之師又以大瓘子

通玄通微互為助教令十日考學績責集無勸所進乾元

初除尚舍奉御得歸故邸又詔吳大瓘通玄通微令就舍

授學廣德中加檢校太常卿賜佩金魚及德宗即位以公

故奉銅輦將欲加賜遷官集作官非未幾而厲車西狩矣公徒

走會難奉天因泣奏曰臣願得尺詔持而入東都購其豪

人以為效德宗嘉集作奇其忠賜詔如奏公於是備裝入賊

軍中見賊偽右將軍郭常左將軍張光晟公大說曰陰潦
之災魚鱉遊其堦壇即腸光赫明是輩不知枯挂之地者

公等寧能從其挂哉乃出詔示常等皆奉詔伏興集作誓

約所歸未及期會樞籍宦官朱旣昌陰以公之狀飛告泚

遂為泚捕繫定死矣泚詰二將詞不伏即徙於外獄稍寬

之有頃賊兵累敗守吏益怠公因其共繫者十餘人謀相

與脫其綑髡而走之奉天德宗為之撫背流涕明日乘集

輿幸漢中公奉轡至南梁還拜原王府長史貞元六年

改嘉王府長史其後集作翰翰林舍人吳通玄謫死公為疏

陳雪再進不得命公澧之季止公曰上方怒寧可為也公

不聽公章卒三貢於是德宗寤之謂公見義不回賜書寵

勞竟雪通玄改澧州別駕十一年入為少將作永貞初遷

大將作加朝請大夫起崇陵功以檢校左散騎常侍右使

內作封河東縣開國子食邑五百戶又加銀青光祿大夫

起豐陵功贈上柱國元和初西蜀叛發岐隴邠涇朔方太

原及山東六郡之卒皆屬長武軍詔以高崇文討之旣誅

三蜀大困而漢中最險狹益不能賑輸所奉中朝以公集

器用當濟遂拜工部尚書兼御史大夫持節帥漢中始詔

諸征蜀卒各還故部而獨以漢中卒三千人移戍梓州其

卒以為始去父母鄉里旣勞而歸及境乃不得見其閭亦

以公集無此字功自賴今則徙之謂若謫耳皆蜂集作奮食所

引刃援弓迫中貴人時公行未及郡聞之遂疾驅倍走往

其所先勞之苦辛集作勞已乃問曰君等何以而成功乎

俱曰某等伐闢耳又問曰闢何以而得伐俱曰驕不受指

於天子公曰君等既知闕以不授指而得伐又親滅之而得功反不授指耶今不授指即受滅也集作是卒皆免胄

匍匐遂行所徙歲餘復入為大將作使匈奴先是戎相出

視國使必自據偃以相辱傲公之知乃先謂曰聞若等常

以去信為強亡禮自大禮信不為誠不仁也何足奉吾國

乎於是單于諸王貴人聞之愕然失恃皆莫能辭見則改

容跪伏遂致天子之命約信成禮而歸拜金吾右將軍始

得居公爵益封千五百戶加為大金吾九年加戶部尚書

以大金吾為左將軍元和十三年三月九日歿享年六十

九上聞之一日廢聽奏詔令集作從官臨弔之賜賻粟帛

贈太子少保強辯多學謙下好問因危以致其節見義不

顧其私輸公之急其從寮其門備得前行謹以所聞所見實錄於斯謹狀

元和十四年七月十七日狀

銀青光祿大夫檢校禮部尚書兼御史大夫充浙

江西道都團練觀察處置等使上柱國清河郡開

國公食邑二千戶贈吏部尚書崔公行狀

杜牧

曾祖綜皇任醴泉縣令祖佶皇任太子中允贈右散騎常

侍父僊皇任檢校吏部侍郎集作兼御史中丞袁州刺史

贈太師公諱郾字廣畧風儀秀偉神深氣集作厚即之如

鑑望之如春既冠識者知不容於風塵矣貞元十二年進

士集作中第十六年平判入等授集賢殿校書郎陝虢觀
 察使崔公琮願公為賓而不樂之挈辭載幣使者數返公
 徐為之起且曰不關上聞攝職可也受署為觀察巡官後
 轉京兆府鄜縣尉遷監察御史殿中侍御史刑部員外郎
 下邳國太夫人憂杖而能起人有聞焉外除拜吏部員外
 郎判南曹事千人百族必應進而進公親自挾格肖法必
 番戾程必黜每懸榜舉牘富室權家汗而仰視不敢出口
 宿吏遂巡縛手係舌願措一奸不能得之凡二年遷左司
 郎中加散朝大夫旋拜諫議大夫兼知匭使穆宗皇帝春
 秋富盛稍以畋遊聲色為事公晨朝正殿揮同列進而言
 曰十一聖之功德四海之大萬國之眾之治之亂唐書本傳作治

其懸於陛下自山以集作東百城千里昨日得之今日失

之西望戎壘距宗廟十舍百姓憔悴蓄積無有願陛下稍
 親政事天下幸甚誠至氣直天子為之動容斂神慰而謝
 之遷給事中敬宗皇帝始即位旁求師臣今相國竒章公
 上言曰非公不可遂以本官充翰林侍講學士命服紫金
 旋拜中書舍人仍兼舊職侍帝郊天加銀青光祿大夫高
 承簡罷鄭滑節度使滑人仰集作闕乞為承簡樹德政集
 政碑內官進曰翰林故事職由掌詔學士上曰承簡功臣
 胤也治吾咽喉地克有善政罷而請紀入人深矣吾以師
 臣之辭且寵異焉居數月魏博節度使史憲誠拜章請集
 請為故帥田季安樹神道碑內官執請亦如前辭上曰魏

北燕趙南控成臯天下形勢集作地也吾以師臣之辭且

尉安焉居數月陳許節度使王沛拜章乞為亡父樹神道

碑內官執請亦如前辭上曰許昌天下精兵處也俗忠風

厚沛能撫之吾視如臂吾以師臣之辭而彰其忠孝焉是

三者皆御札命公令刻其辭恩禮親重無與為比歷歲願

出守本官辭懇而禮部缺侍郎上曰公可也遂以命之二

年選士七十餘人大抵後浮華先行實轉兵部侍郎今上

即位四年公亟請於丞相問曰顧得一方疲人而治之除

陝虢觀察使兼御史大夫先是陝之官人必月赴俸錢五

千助輸貢于京師者歲至八十萬公曰官人不能贍私安

能卹民吾不能獨治安可自豐即以常給兼使雜費下至

于鹽酪膏新之品十去其九可得八十萬歲為代之官人

感悅隨至短長不忍為欺萬國西走陝實其衝復有江淮

梁徐許蔡之戍兵北出朔方上郡回中汧隴間踐更往來

不虛一時民之供億吏須必應生活之具至于餅缶缶筋

集作是常碎於四方之手公曰此猶束炬以焚民也於是節

宴賞截浮費凡金漆陶木絲象之用悉為具之可饗數千

人民一不知復有詔旨支稅粟輸太倉者歲數萬斛如斂

民也遠遠近近就積佛寺終輸于河復籍集作藉民而載之

民之巨牛大車半頓于路前政咸知計不能出公曰管仲

曰粟行五百里民有饑色斯言粟重物也不可推遷民受

其弊况今迂直之計有不超五百里乎公乃大索有無親

執籌而計之北臨黃河樹倉四十間亢倉為槽下澍集作注

于舟因隙償集作賞非直不敗時務自壯者斛勿若斗負挈囊

裹委倉而去不知有輸他境之民越逸奔走駢軫爭鬪願

為陝民政成化行上國下國更口贊頌凡二年改鄂岳安

黃蘄申等州觀察使囊山帶江三十餘城繚繞數千里洞

廷百越巴蜀荆漢而會注焉五十餘年比集作此非有蔡盜於

是安鑠三關鄂練萬卒皆儉楚善戰沒有戰風稱為難治

有往自集作自性矣公始臨之簡服伍旅修理械用親之以文

齊之以武大剏廳事以張威容造蒙衝小艦上下千里武

士用命盡得羣盜公曰劫於水者以盡殺為習雖值童耆

而無捨焉比附他盜刑不可等於是一死之內必累加之

盜相誠曰公之未去勿觸其境然後黜弁奸冒用公決之

升陟廉能用公舉也撫護窮約用公惠也豪商大賈不得

輕役不得隱田父子兄弟不得同販於是闔境之內有餘

不足自公而均復建立儒宮置博士設生徒廩餼必具頑

惰必遷敬讓之風人知家習八年秋江水漲溢公曰安得

長堤而禦之言訖兵集作軍士齊民雲鍾雨杵一揮立就令

行恩結有如此者千里之內如視堂廡雖僻左下里歲臘

男子必以鷄黍賀饋女子能以簪珥相問遺富樂歡康肩

於治古凡五年遷浙西觀察使加禮部尚書公曰三吳者

國用半在焉因高為旱因下為水者六歲矣經賦兵役不

減於民上田沃土多歸豪強苟悅所謂公家之惠優於三

代豪強之酷甚於亡秦今其是也於是料民等第籍地沃
瘠 集作 均其征賦一其徭役經費宴賞約事裁節民有宿

逋不可減於上供者必代而輸之誠禱山川歲獲大稔復
曰衣冠者民之主也自艱難已來軍士得以氣加之商賈

得以財侮之不能自奮者多栖於吾 集作 土遂立延賓館
以待之苟有一善必接盡禮因訪里閭必 集作 益 知民之疾

苦隨以理之纔逾朞歲而吳民復振開成元年十月二十
日薨于治所多士相弔曰使公相天子貞觀開元之俗可

期而見也豈公不幸實生民之不幸也主上痛悼輟朝一
日贈吏部尚書公生知 集作 靈和自干名立朝為公卿為

侯伯未嘗須臾間汲汲牽率欲顯名於合道而仁義忠信
明知恭儉鬱積發溢自然相隨不立結約 集作 而善人自

灑不設溝壘而不肯自遠不志於榮達而官位自及公內
外闕閔源流 集作 清顯後於甲族而復甲焉親昆仲六人

嘗至達官公與伯兄季第五司禮闈再入吏部自國朝以
來未之有也上至公相方伯下及再命一命幕府陪吏之

屬遍蒲內外皆公門生公俯首益恭如孤臣客卿惕惕而
多畏也自為重鎮苞苴金幣之貨不至權門親戚舊故周

給衣食畢其婚喪悉出俸錢不以家為在家怡然未嘗訓
勉子弟自化皆為各人居室卑痺不設步廊賓至值雨則

張蓋躡屐而就于外位初鎮于陝或東挺經月不鞭一人
至于驛馬令五歲幸全則為代之著為定制曰致一物於

必窮之地君子不為其為仁愛而臻於此及遷鎮鄂渚嚴峻刑法至於誅戮未嘗貫一等後一刻或問於公曰陝鄂之政不一俱臻於理何也公曰陝土瘠民勞吾撫之不暇尚恐其驚鄂之士沃民剝雜以夷狄非用威刑莫能致理政貴知變蓋謂此也聞者服焉嗚呼公之德行材器真哲人君子沒而不朽者也易名定謚為國常典敢書光集作先烈達于執事附于史氏云爾謹狀

尚書吏部侍郎贈吏部尚書沈公行狀 前人

曾祖某皇任泉州司戶叅軍祖某皇任婺州武義縣主簿贈屯田員外郎父濟皇任尚書禮部員外郎贈太子少保集作公諱博師字子言明春秋能文工集作書未弱集無冠知

名我烈祖司徒岐公與公先少保友善一見公喜曰沈氏有子吾無恨矣因以馮氏表生女妻之貞元末舉進士許公孟容為給事中權文公為禮部侍郎時稱權許進士中否二公未嘗不相聞於其間者今其年禮部畢事文公詣許曰亦有遺恨曰為誰曰沈某一人耳許曰誰家子某不之知文公因具言先少保名字許曰若是我故人子後數日徑詣公且責不相見公謝曰聞於丈人或拔致中第是累丈人公舉遺其集作孤進故不敢自達許曰至集無如公者可使我急賢詣公不可使公因舊造我明年中第文公門生七十人時人比公為顏子聯中制策科授太子校書郎鄆縣尉立史館左拾遺左補闕史館脩撰翰林學

士歷尚書司門郎中二字集作員外郎司勳兵部郎中中書舍人

命服朱紫時穆宗皇帝親任學士時事機秘多考決在內

必取其長循為宰相公之密補弘多同列每欲面陳拜章

皆互來告公必取規議用為進退歲久當為其長者凡再

公皆逡巡不就上欲面授之公奏曰學士院長叅議大政

出為宰相臣自知必不能為凡宰相之任非能盡知天下

物情苟為之必致敗撓况今百姓甚困燕趙適亂臣以死

不敢當願得治人一土集作方為陛下長養之因出稱病集作

疾特降中使劉泰倫起之公稱益篤故相國李公德裕與

公同列友善亦欲公之起詞說甚切公終不出因詔以本

官兼史職出歸綸閣久處密近思効用於外歷集作懇請於

丞相不已由是出為湖南觀察使兼御史大夫凡三集作二

歲轉為此下諸疑本並同疑有脫逸按舊唐書沈傳書人

困事繁惡易滋長官人調授必得防寬遠二字集作寬䟽通蹊

逕人情物理無不曲盡吏欲為欺於此照驗之端必明於

彼民有未伸於彼開張之路必在於此疊疊循環皆極根

本為集作尤重刑罰杖十五至于死者每有一犯必具獄斷

刑之後遍示幕府吏雖十人有一人以為小未可者必再

詳究經費遊宴約事裁節歲有水旱不可減於常貢者必

為代之江西宣州聯歲水災所貸萬計公善養性情自居

方伯生殺之任喜怒好惡是四者閉覆渾然雖終歲伺之

不見毫髮故黠吏欲賊公之所向高下其事終不可得每

處一事未嘗不從容盡理故所至之處富庶權康理行第一每去任人吏泣送出境不絕自宣城入為吏部侍郎二年考覈集作搜舉品第倫比時稱精能宰物之望屬於僉議公每願用所長復治集作於外及薨于位知與不知莫不相弔上悼惜輟朝一日贈吏部尚書與公先少保俱掌國史謨憲宗實錄未竟出鎮湖南詔以隨之成於理所時論榮之公生得靈粹沛然而仁自幼及長未嘗須臾間汲汲牽率欲及於道溫良恭儉明智忠信內積外溢自然相隨自布衣至於達官凡所交友皆當時名公獎美所長復救所不及三十年間無有携問者公常居中雖有重名每苦於飢寒兩求廉鎮時宰許之皆先要公曰欲用某為從

事可乎公必拒之至有怒者公曰誠如此願息所請

集作二鎮幕府皆取孤進之士未嘗有吏一人因權執入嘗

擇邸吏尹倫倫慙滯闕事察佐多言集作之因請易之公

曰某出京師面誠倫曰止可闕事不可多事是倫適能如

此受不慮矣故三集作鎮號為富饒凡十年間權勢貴倖

之風不及於公耳苟苴寶玉之賂亦不至於權門雖有怒

者亦不敢以言議公公然一作前後侵公其為守道自得皆如

此類在家無杖笞呵責家人自化兄弟生姓雖絕服者入

門飲食衣服指使其奴婢無二等親戚故舊周給所得皆

出俸錢不以家為於京師開集作化里致疑作第價錢三

百萬訖三一作鎮牽率蒲之及在床之日周身之飾易以

任器京師仕

一作士

人雜然言議以為非今日之有指為異

事嗚呼公之德行可以稱古之

集無字

君子矣牧分實通家

義惟

集作推

先執復以孱昧

集作耿

叨在賓席幼熟懿行長奉

指教

集作泣

涕譔記以備闕以附于史氏云爾謹狀

文苑英華卷第九百七十七

文苑英華卷第九百七十八

祭文一

交舊一

祭荆州刺史陰道方文一首

祭處士仲長子光文一首

祭劉少監文一首

祭郝少保文一首

祭陸鄴縣文一首

祭邠陰公文一首

祭趙郎將文一首

祭梁宣王文一首

祭魯忠王文一首

祭汝南王文一首

祭杜學士審言文一首

祭楊盈川文一首

祭王城門文一首

祭荆州刺史陰道方文

魏收

維太昌元年十二月庚申朔越十二日辛未友人鍾鹿魏
收謹以清酌少牢之饌敬祭于荊州刺史陰君之靈嗚呼
哀哉惟君世載不殞英聲在茲風流有屬自爾弘之孝為
行本忠實身基既言斯立罄禮窮詩器則清賞才惟英博
於暢風雷蕭條丘壑顧言朝市忘懷淡薄比契沉冥均情
寂寞往塵守官及爾同僚墳窟合韻琴瑟俱調丹墀踵武
清道齊鑣跡淪閑曠心共津濠乃眷平生相忻多趨殷勤
宴喜流連辭賦溢矣不追長違世務詠歌徒在音徽空樹
昔猶肢體與子裘裳今其往也生死殊方形骸何促天地
何長申茲沃醑贈以哀傷嗚呼哀哉

祭處士仲長子光文

王勣

歲月日隣人王勣

集作績

謹以魚醴之奠敬祭仲長先生之

靈曰明道若昧進道若退鳥飛知還龍亢必

集作若

悔嗟嗟

夫子理融其內不伎不求無憎無愛古人有言微妙玄通

藏用以密養正以蒙嗟嗟夫子允執其

集作厥

中不見其始

孰知其終蕩蕩心跡

集作止

悠悠默語周覽人事退居河渚

何去何從誰求

集作棄

誰與聊同聚散亦均寒暑大矣夫子

其生若浮至矣夫子其死若休鄉黨不懼朋友

集作友朋

不憂

素琴猶在黃經尚留老來難

集作不

婚梁鴻難偶筵無饋奠

室無箕箒嗟嗟夫子豈圖其後金玉蒲堂莫為之守

集作道為

之凡我故人素服臨旛葛巾從窆桐棺以遷墳不易壠坎

不及泉苟無恒

疑作恒

化于何問天道性既喪仁義鋒起祭

非古也禮之爲始吾從其俗敢告夫子清樽薄奠神其歆
止

爲薛令作祭劉少監文

楊炯

中書令河東薛某謹以清酌中牢之奠敬祭故少監劉公
之靈惟此陶唐有此冀方上天祚漢人神攸贊開國承家
枝分葉散三貂赫赫於臺省駟馬緩緩於里閭德之有隣
吐符兮降神家之積慶爰祿兮宜君星躔可以衝南越艷
邑可以資集作質西秦言鄭公之不死謂張衡之後身雍州
爲積高之地初登吏部尚書即喉舌之端始拜郎官見天
子而題柱侍明光而握蘭入麒麟之閣圖書掌於河洛測
璇玉之璣造化窮於制作大風積也方絕於雲天有力負

之生悲於溝壑嗚呼哀哉言念平生求其友聲適我曠兮
共得朋從之道又吾姨也俱承下嫁之榮良辰美景必窮
於樂事茂林修竹每叶於高情援菹蘭而無愧指金石以
當行誰言倏急遽隔幽明人非兮地是心拆兮骨驚卜日
兮先遠陰靈凝兮歲將晚臨平交兮望行憶君一去兮何
時返石室兮沉沉蓬萊山兮寂又陰蒼烟漫兮紫苔深陳
絮酒兮涕沾襟嗚呼哀哉

詹事府官寮祭郝少保文

前人

少詹事鄧玄機永昌令狐恩府司直王思善楊炯主簿
鄭行該等謹以清酌庶饁之奠敬祭太子少保郝公之靈
若夫星象降質山川受氣以道爲尊以和爲貴軒后夢之

於大澤之王卜之於清渭實馮舟楫之功集作力必藉鹽梅之味昭昭北斗宮號文昌隱隱西掖池名鳳凰增萬機而叅政本定五字而對休光珥豐貂之鞞鞞識遺佩之鏘鏘懸車之歲方稱國老步輦之榮遂居師保劉蕃以光祿緝訓和嶠以尚書贊道百年方享於期願五福異徵於壽考西山訪藥北壁尋經金丹不化玉釜何成梁木斯壞曲池坐平府庭颯而變色寮屬慘而相驚嗚呼哀哉玄機等親聞教義夙承提獎懷德音之不忘痛丹壑之長往門館聞寂簾帷彷彿莫行潦之蘋蘩庶明靈之降饗嗚呼哀哉

為梓州官屬祭陸郵縣文

前人

維垂拱二年太歲景戌正月壬寅朔二十二日癸亥長史

劉某謹以清酌庶羞之奠敬祭陸明府之靈夫萬里之別猶使飲淚成血思德音之斷絕况百年之分能不憂心如薰想公子兮氛氲惟彼積德挺生夫君天垂白氣地發黃雲江則有沱集作泥是為國之紀居傳其政愛人如子山則有梁鎮集作國茲一方君弘其道視人如傷久勞于外路阻且長曾未朞月人之云云嗚呼哀哉哀哀弱嗣朝暮一溢皎皎孀妻饋乎下室蜀門如劍長安如日歸路何從我心如集作之疾嗚呼哀哉凡我在位羈官邊城共戮力兮誰言死生思其人兮造其庭恍無見兮寂無聲稱傷兮酌酒心折兮骨驚嗚呼哀哉

祭汾陰公文

前人

羅大唐光宅之六祀太歲甲申冬十有二月戊寅朔丁亥

御辰楊炯以柔毛清酒集作酌之莫敢昭告于故中書令汾

陰公之靈靈字集作貴神嗚呼哀哉惟公含純德而載誕兮稟元

精而秀出集作特秀非備百行而立身兮半千年而委質屬天

地之貞觀兮逢聖人之得一若夔龍稷禹之寅集作翊亮舜

朝兮若肖曹魏邴之謀猷漢室懸大名於宇宙兮立大勳

於輔弼如何斯人而有斯疾曾未遐壽中年殞疑作殞卒嗚

呼哀哉若夫家傳寶鼎地闢金構文則屬詞而比事兮學

則八索而元丘入則東藩之上相兮出則南面之諸侯集作

通唯盡善兮未善固雖休而勿休既知退而知進兮亦能

剛而能柔大才則九功惟叙兮大智則萬物潛周崇德廣

業兮樂天知命而不憂嗚呼哀哉門館虛兮寂寞歲窮

兮搖落備物儼兮以集作如存光靈耿兮焉託垂纒帷與祖

帳兮罷歌臺與舞閣天子惜其毗余兮羣臣思其可作嗚

呼哀哉俯循兮弱齡叨襲兮簪纓公夕拜之時也既齒跡

於渠閣公春華之日也又陪遊於層集作郡城參兩宮而承

顧盼兮歷二紀而洽恩榮郭有道之青集作題目兮蔡中郎

之下迎倏焉今古非復平生無德不報兮願摩頂而至足

有生必死兮空飲恨而吞聲天慘慘兮氣冥冥月窮紀兮

日上丁籍白茅兮無咎和黍稷兮非馨嗚呼哀哉

為李總管祭趙郎將文

駱賓王

姚州道大總管李義祭趙郎將之靈惟靈降精辰象委質

昌期棄筆文場早徇封侯之志影纓武帳坐昇戎秩之榮

屬須補挺祆集作妖昆池集作明習戰應星文而動將奉天罰

以揚威不能弘廟筭於五集作四戎叶神謀於九變致使集作

令王師失律凶狡憑陵嵩亢南臨同五谿之深入叩關北

阻類雙嶠之不歸亭候多虞故有負於明代春秋責帥豈

無愧於幽途悲夫任賢與能明君之事也陳力就列忠臣

之義也郎將雖見危授命固誠節之有餘臨難圖集作權機

何智謀之不足嗚呼哀哉義猥以散才謬專分關途經夷

落路踐戎場停疲驟於九泉悲來有地痛遺骸於四野泣

下無從暫輟征旅之勤爰崇掩骼之義庶幽靈有托梧丘

息入夢之竟壯士不還薤露起送終之曲嗚呼哀哉九真

邊微萬里長安城危踈勒山峻隼蘭因原為隴即壤成

夕陰低而平蕪晦秋風急而荒以寒嗚呼哀哉異域幽

但見新栽松栢他鄉古木非復舊邑粉榆感平生其若集

作在聊申絮酒儻聰明之不昧集作或薦單集作醪

為宗尚書祭梁宣王文 宋之問

維大唐景龍元年歲次丁未十月乙未朔四日戊戌兵部

尚書宗楚客弟將作大匠秦客等謹以清酌庶羞之奠致

祭于梁宣王之靈惟王神岳降靈英姿濟代在周錫梁社

之寵翊唐有代邸之勳不謂業在必安而釁生非意賊臣

結黨大集作奔黷宸闈逆子弄兵輕集作讒誣懿戚密謀奉主

惟以國家為心飛集作非禍及門讎令父子併命九重軫念

悼舟楫之堙沒百辟興嗟愴衣冠之殄悴楚客等早承輝

眇夙忝集作奉娛遊姻屬謬接於葭莩兄弟竊方於鴈集作楫

序叨列五等同事兩朝昔以高義銘心今猶德音在耳嚴

慈未往伯季凋零友睦申於長昧成立冀於猶子而家不

悔禍俱斃仇人集作讐入私庭而痛深過王門而悲極竹池

舊賞看鴈鷺之猶歸蒿里新歌恨天人之未逝嗚呼哀哉

九原撰日萬古營魂士集作人悲高駕帝勸津門殯欵作賢

輔而星圻一作折非害良臣而霧昏想平生之如此集作在庶髮

髡於斯樽尚饗

為宗尚書兄弟祭魯忠王文

前人

維景龍二年歲次戊申月日兵部尚書楚客弟將作大匠

秦客等謹以清酌之奠敢昭告于魯忠王之靈惟玉寶

因地瑤林某作蔽天靈資海岳質冠神仙德潤猶雨機清

若泉不孤大造集作小年百身豈贖四序云變慈軫

玉宸悲盈金殿令德彌秀徽容難見悼前歲之今日共街

酸於隙電錦鸞失偶臺鳳悲隻玳席賓空金鄉戶閭徑不

踐兮苔紫庭不遊兮草碧敢申賦於童耿痛平生之姻戚

嗚呼哀哉鴈池送夏馬埒迎秋露白天淨雲低隴愁恨名

王之淪枉悲促運之浮休蓄哀思而成泣憑聰明而致羞

小山一平兮多桂樹故人雖在今罷蘭遊心追往而將絕

淚橫目兮集作而難收嗚呼哀哉尚饗

為韋特進已下祭汝南王文

前人

...

維大唐景龍二年歲次戊申月日某官某等謹以清酌之

奠祭祭字集作于汝南王之靈相門踵德王實挺生天資

溫克神與聰明人稱玉樹我嗣金籬芝庭欲秀桂林將逐

惟彼鴈堂集作墜茲鴻陸魁奪精氣墳迷草集作木漢皇

纂錄周母參功夷夏集作昭洗幽明感通九竅見日一葉

隨風孝極先妃丹旒前歸慈殷諸季素旒集作相次楚眊

啜泣秦人下淚荆分自久棣落無餘悲炎海之下制惟集

懷觀津之上書為忌南而跼水鴈愛北而隨車嗚呼凡在

枝戚衍恩極遍寵賁濯龍榮同化鷲獨傷元子冥冥無見

玉宸下感金屋增悲珠亡禍速沙崩慶遲綠車為贈黃泉

各集作思官舍攸止先塋甫託齊國返塋隨原可作靈之

歸來無惑甌駱尚饗

祭杜學士審言文

前人

維大唐景龍二年歲次戊申月日考功員外郎宋之問謹

以清酌之奠敬祭于故修文館學士杜君之靈嗚呼位曰

大集作寶才曰天爵辭集作業備而官成名集作聲高而

命薄屈原不終於楚相楊雄自投於漢閣代生人而豈無

人違代而咸若運鍾唐虞崇文寵儒國求至寶家獻靈珠

後俊二字集有王楊盧駱繼之以子跡集作雲衢王也集

服才參鄉於西陝揚也終遠宰於東吳盧則哀其栖山而

卧疾駱則不能保族而全軀由運然也集作莫以福壽自

衛將神忌也不得華實斯俱惟靈昭昭度越諸子言必得

俊意常通理其含潤也若和風欲曙搖露氣于春林其秉
艷也似涼雨半晴懸日光集作足於秋水眾轍同遵者擯落

羣心不際者探擬人也不幸而則亡名兮可大而不死君
集作靈之栖遑自昔迷方逢時泰兮欲達聞數奇兮自傷屬

文母之不運應才子之明敷援淪秀於蘭畹侍遊仙於栢
梁命以著作拜之為郎始翔駕於清列旋禦魅於炎荒遺

旅鴈兮超彭蠡作編人兮居越裳集作常殊許靖之新適億
虞翻之舊鄉惟皇龍興再施法度拂洗溟渤騫集作騫翔雨

露通籍於八舍禁門搥筆于萬年芳樹仰赤墀兮非遠謂
白首兮方遇君病何病到此彌留藥雖集作勤餌兮寧愈針

不及兮可憂雖則妙醫莫識實異明神獲瘳嗚呼哀哉君
集作靈下之將亡其言也善余向十旬日或再展君感斯

意贈言宛轉識金石之契密悔文章之交淺命子誠妻既
懇且辨自予集作俗也與君弱歲遊執文翰共許風露集作霞相

浥况窮海兮同窟復文房兮並入川流遽閱隙電初過昔
乘運兮如此今造冥兮若何懷君疇昔集作好今恨已積念

君恩惠集作近惠兮情倍多道之南宅困之東粟使君孤之有
餘寧我家之不足籍籍流議喧喧薄俗名全每困於鑠金

身沒誰恨其埋玉空落長松千尺詎置生芻一束倬彼韋
公贈殷禮縟善乎崔子理感情屬相識有素見覽集作賢增

勗澄君詞賦於雲臺之上藏君齒髮於緱山之曲緱氏山
兮山上雲秦城郊兮郊外墳孟冬十日兮共歸君集作夫君夫君

君集作靈有靈今聞不聞我咀瑤屑君知自久坐泣焚芝
下同遙哀盡柳闕視集作祖載爰集作遺集作卮酒願歆悲誠
將告良友尚饗

祭楊盈川文

前人

維大周某年月日西河宋某謹以清酌脯羞之奠敬祭于
楊子之靈曰自古皆死不朽者文北河吐集作液西岳生
靈集作爰叶集作通氣降精于君伏道孔門遊刃諸子精
微博識黃中通理屬詞比事宗經匠史玉璞金渾風搖雲
起聞人之善若任諸已受人之恩許之以死惟子堅剛氣
陵秋霜行不苟合言不苟忘大君有命徵子文房余亦叨
忝隨君頡頏同趨北禁并拜東堂志事俱得形骸兩忘載

懼寒暑貧病洛陽裘馬同弊老幼均糧自君出宰南洋沈
海余嘗苦饑今日猶在之子妙年香名早傳從來金馬夙
昔崇賢門庭若市翰墨如泉千載之後聞而凜然死而不
忘問余何傷傷余命薄益州零落生平集作之言幽顯相
託痛君不嗣匪我孤諾君有兄弟同心異體陟岡增哀歸
塋以禮旅襯飄零于洛之汀我之懷矣感歎入冥見子之
弟類子之形悼往心絕慰存涕盈古人有言一死一生昔
子一作往矣追送傾城今子來也乃知交情惟郭是戚有
崔不易來哭來祭哀文在席惟席可集作依冰雪四蒲家
人哀哀賓徑微斷今我傷悲情懃昔時子文子翰我緘我
持子宅子兆我營我思子有神鑒我言不欺我有絮酒子

其歆之我亦引蒲儻昭神期
竟兮歸來聞余此詞

祭王城門文

前人

維長安二年歲次月日司禮主簿宋某謹以清酌之奠敬
祭于故宮尹丞太原王君之靈惟靈顯考抗志恬漠九辟
奚顧一丘自樂行儀集作巢由言重許郭粵我先人比德
同道理闡探索詞源論討翰墨具存有真有草古人至集
之言朋友世親王氏兄弟既義集作且仁撫我則厚莫殊
天倫粵我幼蒙哀纏岵屺急難相顧若出諸已聞過必箴
見善斯喜盛德之後昔聞其昌之子壯年朱紱始光賀者
在門哭者在堂慰君之兄撫君之子郭門祖祭平生已矣
問天何言閉恨泉裏嗚呼哀哉尚饗

卷終

文苑英華卷第九百七十九

祭文二

交舊二

為建安王祭苗君文一首

祭黃州高州君文一首 祭韋府君文一首

祭率府孫錄事文一首 祭孫府君文一首

祭崔侍郎文一首

為河內王祭陸異州文一首

為吏部侍郎祭故人文一首

祭李侍郎文一首

為王司馬祭甄都督文一首

祭清河房公文一首

為建安王祭苗君文

陳子昂

維某年月日朔方道大總管建安郡王攸宜以酒饌之奠
祭故壯武將軍左王齡衛中候左三軍營主苗君之靈君
忠勇兼資戎麾夙濟烏丸作逆赤羽從軍方且任君先鋒
仍馳後勁刈鮮卑之壘推蹋頓之師執馘獻俘歸受國賞
何圖大勳未立隨命先凋永懷咨嗟情用兼慟故命酒奠
告爾殤魂君其有靈歆茲薄酌嗚呼哀哉尚饗

祭黃州高府君文

前人

維年月日朔孫女夫某等謹以清酌庶羞之奠敢昭告于
故黃州高府君之靈惟府君含德元亨保和光大才堪濟
世而運屬承平器允登台而命鍾流集作流落有瑚璉之寶

無廟廟之資豈圖大位不濟幽靈永昧尊儀潛翳三十
年玄殞既開黃腸已吉今青烏改卜丹旆來歸窳交即期
幽明永訣某奉事門闕興言追慕實憎感咽竊惟精意以
享黍稷非馨敢陳薄酌以獻明靈嗚呼哀哉伏惟尚饗

祭韋府君文

前人

維年月日左捨遺陳子昂謹以少牢清酌之奠致祭故人
臨海韋一有府字君之靈惟君孝友自天忠義由己有經世之
畧懷軌物之量甘心苦節風雨不改常欲窮則獨善其身
達則兼濟天下感激遐詠邈然青雲何期良策未從大運
奄忽嗚呼哀哉昔君憂莫之時值余寘在叢棘獄戶咫尺
邈若山河話言空存白馬不弔迨天網既開而宿草成列

言笑無由夢寐不接永言感慟何時可忘今旌旒言歸關
河方遠興言永訣今古長辭鄧攸無子天道何知洛陽舊
陌拱木猶存京兆新阡孤松已植已矣韋生云何及矣大
運之往賢聖同塵嗚呼哀哉伏惟尚饗

祭率府錄事文

前人

維年月日朔某等云云古人歎息者恨有志不遂如吾子
良圖方遠集作興青雲自致何天道之微昧而仁德之攸孤
忽中年而顛沛從天運而長徂惟君仁孝自天忠義由已
誠不謝於昔人實有高於烈士然而人知信而必果有不
識於中庸君不慙而集作於貞純乃洗心於名理元常既沒
豈妙不傳君之逸翰曠代同仙蜀本作伴豈圖此妙未極中道

而息懷衆寶而未摠求幽泉而掩鼻嗚呼哀哉平生知己
疇昔周旋我之數子君交之百年相視而笑宛然昨日交
臂而悲今焉已失人代如此天道固集作罔然所恨君者在
天當年嗣子孤藐貧窶聯翩無父何恃有母惇焉嗚呼孫
子山濤尚在嵇紹不孤君其知我無恨泉途嗚呼哀哉伏
惟尚饗

祭孫府君文

前人

維年月日子昂謹以牲酒之奠致祭故延俊府拆衝燕然
集有平字孫府君之靈惟君少馳英武早効成功聲雄塞上名
重關中愴稜威於敵國存大節於家風既揮金而退老方
餌玉集作藥於仙童何昊天之不弔隨大化之云集作以長終白

馬故人青烏送往素車未訣黃墟誰賞醕集作酒盈觴集作 今尚饗

祭崔侍郎文

張說

維神龍三年月朔日兵部郎中員外曹良史等謹以清酌少牢之奠敬祭故侍郎崔公之靈位以行成名以才起天臨明代是生君子長戟高門層堂峻址孝友仁愛衣冠標軌清通正直省闈集作條理束帶立朝惟國之俊抑揚吐納金聲玉振器不滯方神無留韻厚奉外不為假坦率內不違真泛交而容博好施而能均欲人規已恕已及人故者不遺其故親者無失其親歷否泰能全其節故令名不離其身方齊六相助明三辰何孤我德何負茲神搏空落

羽中駕摧輪昔時察列今為弔賓凡二三子夙承惠集作

眷聯務七兵歲陽三變分與時積事由更練謇謇公庭申

申私宴慟音徽之末掩懷儀範之不見戢容止於綴足潛

眉目於蒙面哀哉奈何零涕集作如霰緬惟初疾以迄將

亡意氣精爽乾乾自強顧瞻賓客勉勉矜莊几不側弁衾

無解裳話言靜密憂公不忘猶看駿馬尚聰名倡靡神不

禱靡藥不甞倏然信宿寃歸渺茫歲初置酒春中酌觴何

吉凶之共域同歌哭於此堂自古及今人誰不沒豈嘆生

死所嗟愴卒脩途未半壯志先伐莠子亂年遺孕集作數

月在親親與懷舊孰不傷心而痛骨靈集作莫易收深悲

難歇尚饗

為河內王祭陸異州文

前人

維萬歲通天元年月朔日神兵道大總管河北道按撫使

右金吾大將軍河內郡王以少牢之奠致祭故異州刺史

陸君之靈戎羯不道侵軼幽都兗渠電滅餘燎星鋪鳴弓

挾集作快柳飲馬長蘆攬集同惡難起無虞梟獍為依集作旅

鯨鯤有族裳旗來兵剡弧集作菰弦木泮渙吞噬睢盱觸逐

亂舞梯衡集作衡潛攻版築鑿齒爭厲熊罴未熟踰垣自潰

守陴皆哭高扁集作扁已陷連櫨集作樓復焚人類薙草城隨

壞雲僵屍暴骨藉藉紛紛嗟嗟使君死節無吝政覺成俗

兵機不振搆此集作狡猖狂難以德鎮城為讐保身膏虜刃

明明上帝仁覆憫下赫赫神兵驅馳在野朝告夕赴集作起

如何不及將守非堅為寇是急救兵適來涉血猶濕三軍

雷歎百戍雨泣天不命我董戎冀方旌旗介冑千里相望

既掃氛濁言巡戰場輯睦人吏撫寧孤孀徘徊城府悽愴

井棠禮重王事哀深國殤竟今有感歆此嘉嘗尚饗

為吏部侍郎祭故人文

張九齡

維開元十年歲次壬戌二月癸酉朔十七日巳丑吏部侍

郎某謹以清酌脯醢之奠致祭于故某公之靈聞夫仁必

壽考所謂神道善亦慶延以為信然今夫子之不福而聖

謨之是德孝友純固禮讓周旋行所以直業所以專誠公

才而天假故官政以日宣節使是式朝宿既至十部稱賢

一人思媚鳳凰于彼雲霄以異胡然明靈殲我良懿嗚呼

哀哉夫子之逝平生之懷襟袍素合遊處嘗偕清風對禁
文石同儕自茲兩掖殆將一紀展轉清貫此離君子曷其
愛而甫云觀至正司空之掃第屬荊州之罷市歛交臂而
相失殷痛心其何已今卜兆有日祖載在廷颯然象設冥
爾音形驅白馬而何見瞻素車而已荷德音不忘應其棠
之勿剪交情乃見伊黍稷之非馨嗚呼哀哉尚饗

祭李侍郎集作常侍文

前人

維年月朔日中散大夫洪州都督張九齡謹遣倉曹參軍
李某以醢脯之奠敬祭于故宋國公之靈惟公世載賢傑
天資忠厚外珪組而維華內水鏡而無垢善常不伐明能
自晦省中之樹訪猶不言車前之馬數而後對淑慎自己

集作亨有時孰能違集作命公此來恩結忠主集作深

去國之悲六疾斯起五福云欺生涯溘盡精魄何之嗚呼
哀哉追惟曩昔升降雲霄榮華侍從暉暉光昭日歟月歟
有榮有凋丹旆子子白驥蕭蕭同官之感俾余蒐銷靈之
來歸茲焉旅次瞻望無覩悲辛自至頃密爾而寄音今冥
然而結歎南北于遠幽明永異何以叙情寄之奠饋輿饗
為王司馬祭甄都督文 前人

維開元五年歲次丁巳九月丁酉朔十四日庚戌某官謹
以清酌少牢之奠敬祭于廣州都督甄公之靈惟公稟氣
異人為國良臣資忠秉義奮翼躍鱗富貴自取聲名益震
故能北擁旄於玄朔南仗節於朱垠行部無幾卧理斯屬

棠陰在聽，殳歌成曲。下流是仰，長塗反促。始望雨而隨車，遽驚風而轉燭。嗚呼哀哉！甫茲歲首，彤檐載輝。今也秋季，丹旒言歸。嗟集作既寒來而暑往，將物改而人非。駟馬不馭，雙燕空飛。對平生之氣象，詠宿昔之音徽。燕越兮地，眇湖山兮路微。奠肴觴而集作之在席，感徒御以霑衣。嗚呼哀哉，尚饗。

祭故相國清河房公文

杜甫

維唐廣德元年歲次癸卯九月辛丑朔二十二日壬戌京兆杜甫謹以集作敬醴酒茶藕，奠之奠奉。祭故相國清河房公之靈曰：嗚呼！純朴既散，聖人又歿。苟非大賢執奉，夫挾唐始受命，群公間出。君臣和同，德教充溢。魏杜行之美

何畫一婁宋繼之不墜，故實百餘年間。見有輔弼及公人相紀綱，已失將帥。干紀烟塵，犯闕王風。寢頓神器，圯裂關輔。蕭條乘輿，播越太子。即位揖讓，倉卒小臣。用權尊貴，倏忽公實。匡救忘餐，奮發累抗。直詞空聞，泣血時遭。侵沴國有征伐，車駕還京。朝廷就列，盜本乘弊。誅終不滅，高義沉埋。赤心蕩拆，貶官厭路。諛口一作言到骨，致君之誠在困。彌切天道，濶遠元精。茫昧偶生，賢達不必際會。明明我公，可去一作云時代。賈誼慟哭，雖多顛沛。仲尼旅人，自有遺愛。二聖崩日，長號荒外。後事所委，不在卧内。因循寢疾，顛顛無悔。天闕蜀本作死天泉途激揚，風檠天柱。既拆安仰，翊戴地維。則一作既絕安放，挾集作夾載。豈無羣念，我心忉忉。不見君子。

逝水滔滔泄涕寒谷吞聲賊濠有車爰送有緋爰操撫墳

日落掛集作晚 劔秋高我公誠子無作爾勞歛以素帛付諸

蓬蒿身沒集作壑 萬里家無一毫數子哀過他人鬱陶水漿

不入日月其滔州府救喪一二而已自古所歎罕聞知已

曩者書札望公再起往集作令 來禮數為能集作態 至此先帝

松栢故鄉粉梓靈之忠孝氣則依倚拾遺補闕視君所履

公之集作初 罷印人實切齒甫也備位此官蓋薄劣耳見時

危急敢愛生死君何不聞刑欲加矣伏奏無成終身愧耻

乾坤慘慘豺虎紛紛蒼生破碎諸將功勳城邑自守鼙鼓

相聞山東雖定灞上多軍憂恨展轉痛傷氛集作氣 盪玄豈

集作堂非 色白赤集作黑非 不分培塿滿地崑崙無羣致祭者酒陳

情者文何當旅襯得出江雲嗚呼哀哉尚饗

文苑英華卷第九百七十九

文苑英華 八百七十九卷

文苑英華卷第九百八十八

祭文三

交舊三

祭劉評事兄文一首

祭劉左丞文一首

祭友人張五兄文一首

祭亡友揚州功曹蕭公文一首

祭董大使文一首

祭李中丞文一首

祭嚴尚書文一首

祭李相公文一首

祭李侍郎文一首

祭員郎中文一首

祭衢州李司士文一首

祭裴尚書文一首

祭劉評事兄文

李華

維乾元二年歲次己亥六月乙未朔三日丁酉趙羣李華

祭于劉三兄之靈惟兄高韻曠度拔於時倫德契中和道

符深仁泉明其照情性其文踈近無二心冥則親雅敦名

教素遠權利夷險一節通塞一致有時不適與道偕醉跡

一作事隨沉浮量混同異白雲何遠清風自至人或知兄王

佐之噐豈人無福而兄天年浙東幕庭喪此一賢識與不

識辛酸泫然秦失五穀春不相杵清標高志行乃動主緊

我夫子列在中士職無所統談笑而已居室言善感於千

里綿江越湖掩涕相視追懷晨夜一作曩辰道則同謀定交梁

國周旋兩都更相默喜吾道不孤契濶艱難誰榮誰枯良

願再諧握手東吳羈旅情倍天倫豈殊去歲季冬將膺使

檄累辱來召陵江掛席持酒歡酣憂懷頓釋携手終日晤

言竟夕無食不均無衣不易題序申餞情深義激贈言纏

繆寵我行役涉泗而還遽承遺癘猶復垂念尺書相繼將

慶有瘳俄哀未逝萎我盛德天故疑作不惠嗚呼痛哉華

江濱憔悴風濕所侵疾不果間喪不果臨無由執紼從茲

破琴異鄉之慟於此何心不言少別便為古今嗚呼痛哉

光烈幕府親兄重兄恩深撫孤義感平生臨吊盡哀行路

涕零躬護喪事推以信誠古風復存今見哀榮嗚呼痛哉

孀妻晝哭弱子纏經蕭蕭旅塋空對江月想像遊處心呼

鬱結羽毛相依忍此凋缺寢門之悲悽斷吳越蘇門朗嘯

於此長絕泣戒將命往申微醜此如不祭祇益酸咽兄性

與道合栖心福庭故於是莫不列輦腥願垂惠照以濟幽

靈值佛開法長為弟兄素心惟此敢告冥冥尚享

祭劉左丞文

前人

維年月日左補闕趙郡李華謹奉清酌微奠祭于故國子
祭酒劉十六兄之靈痛矣夫時方刑措誼傳長沙運丁中
興衍廢于家命與道垂末如之何先師微言行已堙塞續
儒濟德俾世為則專門繼起人用不惑季孟叔仲並華于
國文傾遷固理破楊墨濁斯渾清曲莫容直孤玉沉韻高
鴻墜翼疇昔之年逆虜悖天帝命西平董戎于關上宰姦
回蔽明枯樵阻以監撫海內飜然督哥舒將盍不速轅一作
哥舒青束哥舒盍束束袁兄在西陲飛章上言喻引古今易亡為存時
憚姦邪不聞帝閣文武房公慷慨獨論迎吠信信竟寢斯

文華忝諫官亦嘗披肝千里同氣寤寐求歎請受一作

叔一作請鎮豐安乞固上黨乞備太原心竭犬馬事

屈羣頑哥舒表華掌記轅門明明仁兄紹介三軍奉族在

此懼為福疑原竟迫方寸孤天負恩聖朝孝理未忍行戮

爰詔三司伏念哀鞠綱脫一作烏鳥恩開桎梏實賴仁人

再春枯木房公介然明華於朝兄志提挈出泥登霄言于

宰司大啓學徒陳沈泊華可備師儒堂堂昌言光我囚拘

褚中不行何日忘諸功曹垂侍恩比天倫手足是比榮枯

一人友愛惟深憐眷益親難阨流離存亡未分冀遊門閭

以慰酸辛誰謂凋落今惟二人嗚呼哀哉弟參邦憲兄鎮

海夷誰云存歿共彼有期謂天無親胡與善違儒子攀號

遠奉裳帷季氏呼天割我四支平生故人橫涕交頤寄窆
空原時迨一作追興師官尊地偏禮不成儀回望舊邦素車
遲遲潯陽地古舉目悽悲執紼流慟誰堪此時余生易感
况已衰羸泣薦潢汗蒐兮臨之尚享

祭亡友張五兄文

前人

維永泰二年歲次庚午正月某朔日趙郡李華謹遣從姪
詹事府丞廉以茶乳蔬果之奠敬祭于亡友張兄博士之
靈嗚呼痛哉先生之終人倫不幸况乎小子最飽道風何
悲如之先生以道為貴以德為富以樂天知命為壽則非
其道而貴者賤也非其德而富者貧也不樂天不知命而
壽者天也然先王道貴德富加以樂天知命之壽固無限
矣所痛者仁而無後天道何以為善與神理何以為正
滔滔江水此慟何窮嗚呼哀哉華殘年衰病不足履地撫
膺而哭欲往無由千里申奠不任酸咽仁兄先生俯監悲
懷尚享

祭亡友揚州功曹蕭公文

前人

維乾元三年二月十日孤子趙郡一無此二字李華以清酌之
奠祭于故亡友揚州功曹蘭陵蕭公之靈嗚呼茂挺平生
相知情體如一歲月之別俄成古今天乎喪予此痛何極
華釁罰深重艱棘所鍾殊方末慕觸目號裂孤窮易感况
哭故人以足下才惟挺生名蓋天下道孤命屈淪阨終身
避亂全潔忠也冒危遷祔孝也王佐之才先師之訓而歿

予道路何負於天乎痛哉華疇昔之歲幸忝周旋足下不
棄愚劣一言契合右稱管鮑今則蕭李有過必規無文不
講知名當世實賴若人循環徃復何日忘此華等一作泣
血千里羈旅相依聞其此一作一哀心骨皆斷夫痛之至者
言不能宣雖一作靈尚饗一作皆唐文粹

祭董大使文

崔祐甫

維寶應元年歲次壬寅月日祭于隴西董府君之靈曰秋
日淒淒百卉具腓城寺無主人焉適歸矧蓄蔭麻之望翻
遇死喪之威弔隨慶集事與心違良知與主昨是今非嗚
呼哀哉追惟曩歲末豐之遊清川倚棹廣路停軌道路契
濶燕言綢繆倏焉陳迹曾不少晉幾成海變何啻星周勁

翻翱翔上陵蒼蒼俯憐燕雀畏逼藩牆議以銜羽將貽稻
梁望國酸疑作酸奔初念楮中之惠及門問故俄增掛劍之
傷嗚呼哀哉干旒祭戟撤而不見總蒙戶而風悲葦遠庭
而靈泣疑作露邦人輟春殲良何速厲吏霑襟于何從祿永
無像於形儀庶有憑於軌躅羞匏葉而為薦北隻雞而可
續嗚呼哀哉尚享

為吏部李侍郎祭蘇州李中丞文 獨孤及

年月日某官某乙謹以清酌少牢之奠敬祭于故蘇州刺
史兼御史中丞贈吏部侍郎李公之靈嗚呼天以純粹鍾
美於公孝友慈惠公廉貞直事君以忠臨節有勇可以師
表鄉黨儀形縉紳宜荷百祿乃朋三壽執司物化曾莫輔

德諸父不死公獨返真官不過八命年未逾六十豈五藥
乖養九藏失節以及此乎將脩短之域窮達之數止於是

乎前期幽報如所修乎俯觀前生集作生前亦有恨乎昔公出

入臺閣勤勞王事驅馳集作馳驅使車周旋天下克已奉職一

何正也姑蘇之役姦倖構難公秉義勇誅其渠魁海寇圍

逼勾吳震駭公帥羸師克剪大敵奇謀生於死地貞節見

於孤城夫豈惡生誓無奪志臨危致命一何壯也濯纓來

朝祗若王命三府高議方以黃散咨公天乎無知不從人

欲旅襯委於空館妻孥恨於遠道其來也駟馬朱幡其往

也孤鞅丹旄天子興悼台臣雨集作雪泣情鍾我輩其集作哀

可既乎縮等義惟寮友季卿等屬忝宗族歎愛如昨書札

猶新伸眉未久集作幾交臂或集作忽失形骸留此冤鬼何之

鳴琴潏潏恍若在耳前路冥冥良遊無期靈之來兮歆此

薄酌集作酌尚享

為元相公祭嚴尚書文 前人

年月朔日某官某乙謹以清酌少牢之奠敬祭于黃門侍

郎兼吏部尚書御史大夫嚴公之靈嗚呼天惟難集作匪謀

才不必壽丹牛集作耕斯疾顏回知集作短命吉凶無朕集作朕

凡聖共惑惟公茂質見於芳年齒蠢九葩磊落集作珂千丈

嘗戮力當代以智開物若發礪之刃決雲切玉長安浩穰

憲綱踈漏天子命公尹京執法能秉直道以張皇綱以智至皇

綱三十七字集本如此華英止盜奔訟清周月報政巴蜀

皇壽登期願為天子元老以弼成庶政溢與化往嗚呼曷
歸何萬人之具瞻與天命之相違窺遺塵於臺閣想見公
之容微嗟道中而壽短集作痛跡是而人非縮等恭承嘉
惠昔嘗登門接後堂之歡娛參東閣之討論謔浪在耳書
札具存柰何少別忽聞九泉集作原尚享

為吏部楊侍郎祭李侍郎集作常侍文 前人

年月某官某乙謹以清酌少牢之奠敬祭于故右散騎常
侍贈禮部尚書李公之靈嗚呼冲和集作粹之氣生德於公
忠孝貞諒聰明宏達卓犖特立英明虛受自司翰持衡觀
風執法周旋三閣出入十載能直其道而正其身致命臨
錄仁而有勇造次顛沛義形於色莊敬發乎談笑孝謹

子

集作

閨門若天祚明德神與正直公宜錫慶鍾壽俾夫

而昌于何官不至三事年不及六十積德無報為仁者惑
焉今行及先遠將安宅兆嗟來桑扈往無返期追思平生
夙昔歡好懇欵交臂之分勤拳集作殷勤同心之言今則冥漠
無非夢想非夫人之為慟而誰為慟不知神之所在彼乎
此乎旨酒一樽以為別乎集作庶以為別尚享

為明州獨孤俊臣集作使君祭員郎中文 前人

某月日某官某乙謹以觴豆之奠敬祭于故某部郎中兼
某州刺史員公之靈吳越憇歲元元艱食帝咨四岳分命
予公以公克勤于邦克儉于家忠而能立剛亦不吐出入
臺閣將十五載動合律度言為程式及茲剖符銜疾受命

而慨然有表三東夏澄清江湖之心海隅蒼生方仰集作

公以大庇朝廷縉紳期公以上台而悠悠蒼天屈公以下

壽時既得集作須而命不與致未窮而生有涯嗚呼哀哉昔

公繡衣持斧余忝接武於朝公負譴投荒余亦左袵異域

山川有間交情無極各隨波流在天一方險阻艱難亦既

備嘗邂逅相遇荆蠻之鄉惠而好我何日能忘浙右巨鎮

甬東孤城風烟接壤集作相接弔伐同盟未及前驅莫申微誠

遽聞沉痾集作荷忽問死生九原誰歸萬事長往夙昔歡愛

無非夢想舟遊壑走吾將安仰隻雞之薦靈兮來集作饗

祭衢州李司士文

前人

維月朔日前華陰縣尉獨孤及謹以清酌庶羞之奠敬祭

于衢州司士參軍李君之靈惟君砥節勵行抱粹含純剛

亦不吐直而能溫筮山誠立安卑道存宜錫難老亦高其

門如集作奈何盛德迫此短農追惟夙昔修好於君託以良

援申之婚姻勸我以善敦我以仁各徇薄宦俱期致身頃

復離別幾為胡秦契濶乖阻艱難苦辛君恨靡鹽陳力既

闕余集于集作茶蓼零丁海濱弔恤何深舊好惟勤集作贈

言如昨尺素猶新倏忽長往吳誰與親常日音徽平生懿

文今則已矣長為古人憐君不知哭吾不聞瀝酒墳草酒

淚隴雲庶因薄奠髣髴精神尚饗

為華陰李太守祭裴尚書文

前人

年月日華陰郡守李某謹以清酌少牢集作庶羞之奠敬祭于

故禮部尚書河東裴公之靈嗚呼元精純粹生德于公峻
極降祉真明在躬濯纓登朝事君以忠出入三閣周旋兩
宮褰帷井陘推穀廬龍喉舌是寄令集作間斯崇鯤背垂
天鴻毛順風亦既左官時更困蒙夷險能一集作高明有
融三已無愠再命滋恭肇受方伯俄昇秩宗將陳謨謀以
佐時雍如何不弔降此鞠凶珠履聲絕蒼生望窮機返太
素勲音區中集作杳杳龍輻瞻言徂東敬飾薄奠邀神昊
穹靈顧來享音髮鬣聲集作容嗚呼哀哉尚享

文苑英華卷第九百八十

文苑英華卷第九百八十一

祭文四

交舊四

祭吏部元郎中文一首 祭壽州張使君文一首

祭楊州常大夫文一首 祭常炎端公文一首

祭賈尚書文一首 祭相里造文一首

祭滁州李庶子文一首 祭裴尚書文一首

祭李員外文一首 祭陸端公文一首

祭吏部元郎中文 獨孤及

年月日禮部員外郎獨孤及謹以蔬飯壺酒敬祭於集作

故吏部郎中元公之靈上士齊死生下士愛生惡死而惑
之知生死若幻而不能忘情於其間者我輦所不克免始

者與公同弔死問生論議亦頗嘗及此豈謂言未絕口而
公又長往昨日經過遽成疇昔何變化之速乃至於是視
不及瞬言不容集作及息嗚呼元君今已返於機夫彭祖殤
子同歸於盡豈不知前後相哀達生者不為嘆公齒髮未
老官途方半相視而笑異前路各有所展豈圖問闊數日
而死生間之竹林如故階塵未掃惟人琴兩亡影絕響滅
湯清絃豈可復聞承以今辰將赴塋闕痛天道之無集作茫
味予豈無言而悲來從中遂集作遠復行意匪祭也永以為
別也尚饗

祭壽州張使君文

前人

年月日舒州刺史獨孤及謹以清酌嘉蔬柔毛之奠敬祭

集作薦

于故尚書工部郎中壽州刺史兼侍御史張公之靈

頃者剖符為郡與公鄰邑祗役徂復日以携手嘗辱嘉惠

愛我則深柰何此

集作故

別後盈魄未周相去無山川之間

纔聞嬰疾遽告不幸古詩稱一息不相知今而果爾

集作三字

爾乃耶別時高論精義在耳袖中尺書灑翰猶濕而形影驟

滅了無還期雖欲効古賢謂悲哀為恒

集作恒非

化情莫可遏

徒虛語爾惟公貞亮溫毅強學好古人皆窪而盈曲而全

公獨以全真

集作峭直

接物雖悔悛不改其度人多求田問舍

公獨以百家言為寶藏書至八千卷而不止以斯道也施

於

集作于

有政故其德形於事業其仁浹於百姓楚人壽人

如得陽春識者揣公壽與位偕今也溘然而人何望嗚呼

王事拘限會葬莫及思賢嘆逝執紙涕零苦久要之不我忘也豈不顧饗於今日蘋藻之奠尚饗

祭揚州常大夫文

前人

年月日朝散大夫檢校尚書司封員外郎三字集兼舒州

刺史充本州團練守捉使賜紫金魚袋獨孤及謹以嘉蔬

柔毛之奠敬祭于故揚州大都督府長史兼御史大夫淮

南道節度觀察處置使常公之靈王命九伯庶綏四方惟

公剖符作藩維揚往歲斯民匪迪匪康自公戾止視之如

傷飾吏以儒出言有章革剗煩苛載戢暴強將吏奉之集

君若網在綱罔或作威以紊典章集作民斯輯睦政亦允

臧和氣被物豐年隆祥天之輔仁公宜熾昌柰何不淑是

命遽殃集作百城悼心萬民何望及忝列城備守封疆

宥罪戾庇身余光德宇所覆今也則亡偏思遺愛追蹈一作

悼餘芳俛仰興懷望慕淒涼拘限所職路阻且長遙杼下

情旨酒一觴尚饗

祭常炎端公文

前人

年月日司封郎中兼舒州刺史獨孤及前舒州司馬皇甫

曾等謹以清酌庶羞之奠敬祭于故侍御史舒州桐城縣

丞常公之靈昔公執法柱下某等接足集作周行嘗集作

趨後塵飽聽公議及既出守曾後播遷公亦負譴玷玷字

黜辱同官為寮之好敢不知孝弟忠信強毅正直樂善惟

恐不及嫉惡不盡集作不止分枉直於心職集作以澄清

...

為已任形於造次發於自然謂必眉壽且鍾介福柰何強

仕集作之年大才先謝志業所趨未申萬一有生之涯溘

然未已慈親羸老弱子未亂反莖無望委體集作他山等

為歸真難集作痛太甚天不我弔哀有何極某等頃嘗以

樽酒豆肉邀君同歡今之所獻猶前樽也但夙昔志氣比

來話言遽悉冥冥無非夢想往既不及來莫我集作追猶

持此尊集作以杼末別至苦集無此天闕之痛夫復何言

尚饗

祭賈尚書文

前人

大曆七年四月二十一日朝散大夫檢校尚書司封郎中

兼舒州刺史賜紫金魚袋獨孤及謹以清酌庶羞之奠敬

祭于故散騎常侍贈禮部尚書賈公六兄之靈嗚呼性

之源仲尼罕言頃者與兄存而勿集作論亦謂景福必鍾

德門未虞昊天驟忍我斯集作所以分手容易前期日往

書札祗嗟別離孰云別中死生間之賈生謫去遭世不用

以命問鵬千古猶痛兄逢盛時任適梁棟青雲咫尺巨鱗

始縱溘爾中止俄同大夢天下孤望非兄誰勸追念夙昔

嘗陪討論總集作覈微言揭厲孔門匪究枝葉必探本根

高論拔俗精義入神誓將以儒訓齊斯民文章陵夷鄭聲

奪倫兄於其中振三代風風復為朴集作復正始是崇學

者歸仁百川相宗集作如六義炳焉自兄中興大名全才

儀刑百工嗚呼彼天胡不祐焉集作闔茸諛諛或錫永年

好學不幸繫兄復焉集作然豈天地不仁將斯民薄祐顛顛

之望見奪何遽某獲見於兄三十有六年矣兄有十七集作七

年之長蒙以伯仲相視博文約禮為集作謂仁由已同心之

言期於沒齒前後尺牘羅列案几悵悵清論恍恍在耳一

旦如失萬年集作事遄已民之所望今也胡俟某守職拘限

會喪集作葬願乖白馬素車欲往無階寢門一號心酸骨悽

容微自此求不復見若魂魄無不之也豈不覩平生心於

今日斗酒之奠乎尚饗

祭相里造文

前人

年月日舒州刺史獨孤及謹以清酌之奠敬祭于河南少

尹贈禮部侍郎相里公之靈嗚呼往歲嘗與公度論死生

變化豈不知身與萬物悉當歸耶無猶謂不惑於道者可以

不奪其筭豈圖論猶在耳目未及瞬而公度之身後為其

物益知觀化而怛集作恒非自古皆妄而哀來從中妄豈易遣

嗚呼公度有志有文量足韜世善可救物宰賜言語冉季

政事古莫兩大繫公兼之伊昔密薦可否廷拆究佞京師

童兕亦知公名其後江人杭人頌德不暇洛表耆老侯公

而蘇秉公論者無賢不肖孰不謂公致君致身方自此始

柰何吉未會也凶問隨之天下悼惜士友悽歎况某投分

於策名之始並命於剖符之列久要不忘平生實惟公度

是望心同病同集作同心同病我身子身也子與化往柰我心何

名跡留為政集作故事語集作話言存乎耳目惟音形渺忽無

前期可望每一念至哀填曾臆往矣公度去我何之勿言
一樽永難集作無共持儻肯顧饗表公我思尚饗

祭滁州李庶子文

前人

某月日常州刺史獨孤及謹以清酌嘉蔬之奠敬祭于故
右庶子滁州刺史楊州大都督府司馬兼侍御史隴西李
長夫之靈嗚呼才與上壽并者吾不得見之矣得見中壽
者斯可矣嗚呼長夫曾未半之官不展才事不如志奄謝
昭世溘歸黃泉雖欲茹哀哀可茹乎追惟長夫行茂神俊
孝愛友睦諒直仁勇卓犖夸邁英明曠遠集作達文武志略
邦家必聞爲州治行居百城之最詩賦歌事窮六義之美
休聲喧於里巷佳句被於管絃珪璋令問中外注耳謂當

入拜九卿出分四岳萬人所望一旦中止行路悼惜豈

同心者之心滄洲長挹之談玉溪獨往之興競集作竟迫身

世永孤志願集作願言倘魂而有知當飲痛泉下往歲滁城之

會俱未以小別爲感集作感臨岐道舊坎坎鼓我酒醑氣振

言盡歡甚孰知此際以是永訣今萬事如昨日集無日字書札

猶新惟故人音容不可復見悲莫悲兮生別離况長往之

別乎王事拘限莫由執紼卮酒豆肉後會無期彼蒼悠悠

逝者何之長夫長夫魂兮來思尚饗

祭裴尚書文

顧况

嗚呼天禍甌邦尚書告薨哀哀甌民罷市輟春何時復覩
盛德形容伏惟尊靈惠和温恭識洞元龜文掩雕龍天生

大賢叶贊時雍至人厭世寥廓爲友精神不留天地長久
谷神不死是曰長生伏料尚書上賓天庭悲號者何在物
之情惟公據道夙負重名爰自成才歷拜通祭五十餘年
侍奉承明隨難西蜀拔身定傾有唐中興累踐銓衡朝廷
擬公三老五更上憂方隅出典百城淺學自私掩善揚鄙
峩峩尚書近仁不已昔在春宮先我大國鬱興多士周易
有云黃中通理其斯謂乎自我江潭于今多秩處順保終
泯然自逸上官命况糴益蛟室奄居黃泉不見白日顧惟
陋賤時承周密感德懷仁何時終畢神儀超忽靈駕徘徊
敢申薄禮以表深哀伏惟尚饗

祭李員外文

前人

古之哲人銅鞮介山柳下臧文先生企之密邇四鄰逢時
不昌與世道迤先生淵然金碧無塵通識殊倫精義造神
退居江潭節貫松筠皎皎先生蘭言玉聲詞林搖落天地
空春宜與太一上爲帝賓若商傳說例列星辰天將以公
經濟生人生人不幸天喪斯文斯文旣喪嗚呼郢匠先生
逝矣何人知况如况何人升堂誘進造次無爲樞機必慎
跡暢高節心融密印詞不能豁其胷襟故春容於絕韻而
京口歸魂毗陵旅櫬可勝悲哉心喪自何身役炎洲先生
大歸赴哭無由古之達者以生爲浮先生徂征與化同遊
四節不留物無長在寂寂賓階人遷事改陶潛自祭管輅
知終本師瞿曇了達虛空初命少子昏冠先一作禮兆祭

一作深哀疑作聖朝悼歎儻遂追崇忝友季茂休戚略同
北望丹徒山險萬里文非尺牘鬱塞盈膏想公形容昭况
肅恭尚饗

祭陸端公文

前人

維大曆八年正月朔同鄉顧况於永嘉發使具輦蔬野酌
敬祭陸三十二兄端公之靈嗚呼接席之歡俄成奠酒殊
鄉少別杳忽于今牽拘南役遠哭如淚兄秉德居厚植靈
超茂天和發外虛白自內特挺孤操與物去害惟昔二京
群盜縱橫出入十年天下交兵越盜寇吳殺人燒城國危
如此公乃請行我之行焉無徃不平擁陣陵陽廻戈歛右
江南山洞畧盡遺醜拒敵先摧群降獨受兄之令弟况之

良友感激風雲晉連詩酒昔魏有人子方段干兄之所在
人心獲安賢者讓平惟患是急兄之忠勇人莫能及燕將
泣書齊師復邑迹爲功著名因義立惟帝念功君門遂通
臺閣生風乃憶江東高臨山中有書滿屋與人共讀有粟
如雲與人共分破富爲貧好事日聞霽霽牛潭峩峩囊嶺
開流架迥倒寫烟景今日淒涼林空夜永人或言吉凶
無門我命由我以兄之才何適不可寧知一旦忽鍾茲禍
鴻翔千仞自茲而墮嗚呼哀哉伏惟尚饗

文苑英華卷第九百八十一

文苑英華卷第九百八十二

祭文五

交舊五

祭李員外文一首

祭福建李大夫文一首

祭皇甫大夫文一首

祭獨孤常州文一首

祭李祭酒文一首

祭孟尚書文一首

祭劉侍御文一首

祭李處州文一首

祭竇廬州文一首

祭柳侍御文一首

祭屯田柳郎中文一首

祭海陵李少府文一首

祭李處士文一首

祭李祭酒文一首

祭薛殿中文一首

為常州獨孤使君祭李員外文 梁肅

維大曆元年五月日朝散大夫守常州刺史賜紫金魚袋

獨孤某謹以清酌之奠祭于故尚書吏部趙郡李遐叔三

兄之靈嗚呼疇昔之年接兄討論倚伏之數或尋其源當

集本文粹作嘗謂仁人百禄滋蕃如何於兄斯道莫存文粹作斯莫存焉

嗚呼哀哉惟兄孝友仁恕高明寬裕何德之茂何才之富

粹氣積中暢於四肢發為斯文郁郁耀一本作輝自五百年

風雅陵夷假手于兄鬱為宗師乃登憲闈直以舉之乃列

諫臣闕則補之玄宗季年戎狄內侮兄方就養拘一本作劫在

豺虎氣霧濛濛薄汗我躬雷雨作解遠身于東帝曰孝哉

可移於忠名彰二本作居右掖跡踐南宮丘明有耻玄晏方病

清漳閑卧樂道推命哀於大賢不信二本作享大年人之不幸

天亦何言在昔賈生見惡絳灌王佐之用不展於漢我之

方行遭世紛亂時塞道塞二本作時古今一貫嗚呼哀哉

某以蒙蔽夙承眷惠義均伯仲合若符契博約乎文章集禮

之間二本作事優游乎性命之際謂得携手相期卒歲天其

喪予君二本作兄則先逝嗚呼哀哉曩自朝列出使持節文粹

持使節十年離別一旦存沒吳楚迢迢江山阻越不及歸賻

集作賻文粹作贈仍乖執紼寢門一哀魂斷心絕恭承嘉命來牧

于常總帳所二本作斯在哀何可忘鞠然二孤訴彼穹蒼孰謂

遐叔與天茫茫魂兮歸來二本作兮臨此一觴嗚呼哀哉尚饗

為獨孤常州祭福建李大夫文 前人

年月日具官某謹以清酌之奠敬祭于故福建都團練使

李公之靈嗚呼宗祐儲祉元純降氣炳靈於公才全德充
寬仁愿恭高朗集作明昭融文學政事儀刑王風帝謂叔父
闔實下國出作侯伯導之以德內撫罷人外攘劇賊文武
爲憲柔嘉是則我教用宣我民旣安佇登巖廊爲國羽翰
彼高者天胡莫祐賢人之云亡魯不末年嗚呼哀哉某往
忝諫臣在公下列周旋獻納以日繼月海運方遠搏風未
歇不慮不圖音徽已沫暮律巖苦降霜肅殺臨岐一觴以
抒慘怛嗚呼哀哉尚饗

爲獨孤郎中祭皇甫大夫文

前人

年月日具官某謹以清酌之奠敬祭于故浙西東觀察使
皇甫公之靈古人有言智仁及勇是謂達德大夫蹈之以

衛王國乃昔天步未夷六師徂征嘗扞牧圉戡彼醜虜
也及夫宦豎擁兵窺伺樞密公沉謀內斷輔德不穢智也
分陝牧越統戎鎮俗承其風者莫不寧息仁也議者謂公
方爲國翰垣爲人父母宜錫難老荷茲介福命之倚伏曾
是不淑豈夫天所集作仁奪人所欲大旆長轂東征不復如
彼魯侯往歌來哭嗚呼哀哉某頃與公相遇於斯今也言
歸投弔於斯泛泛方舟旋集作旅載裳帷晏晏集作昔晏言笑今
成涕洟道路遠而音塵絕而旨酒一觴惟靈享思嗚呼哀
哉

祭獨孤常州文

前人

大曆十二年歲次丁巳五月朔日門生安定梁肅謹以清

酌庶羞之奠敬祭于故常州刺史河南獨孤公之靈嗚呼
間氣炳靈降生哲人何辜今人而喪斯文豈上天不仁道
之將廢奚盛德之淳懿忽中年而下世蹈得仁之機顏子
不幸負王佐之才賈生屏外其明尚晦其用未大藏舟遽
移梁木斯壞嗚呼哀哉追惟哲人應運而生行在五常志
在六經博厚温良直方而明天縱多才蔚為時英孔門四
科洪範三德惣於公躬率履不忒頌聲既微鄭衛亦集作橫
塞或游或僻時萬時億公當其時載振其維憲章典謨為
學者元龜文辭郁乎文實在茲伊昔策名東堂作尉西華
銘仙掌與函谷馳休聲於天下逮乎拾遺君前考禮太常
獻可之詞直而含章建言削彙故海內莫揚旋議廟祀乃

正謚法享帝之禮終焉允洽名正言順事深體合垂後
大賢人之業起草剖符出臨濠舒二邦之民俟我而蘇愷
悌之化風行露濡蘭陵之郊人散政弛清淨之德下車則
治比迹邵父視人如子闔境熙怡有禮知耻朝思黃霸人
仰安石霄漢在目巖廊咫尺不啻不處坐而遐舉不慮不
圖忽焉傾徂遐邇震駭士民號呼罷市輟春相弔路隅嗚
呼哀哀顧惟小子慕學文史公初來思拜遇梅里如舊相
識綢繆慰止更居恤貧四稔于此常謂肅曰為學在勤為
文在經勤則能深經則可行吾斯願言勉子有成又曰文
章可以假道道德可以長保華而不實君子所醜敬服斯
言敢忘永夕若乃室中函丈之席林下清觴之醪陪李膺

之泛洛從叔子之登峴亟承國士之遇又忝公車之薦奉

明誠以周旋盡深衷於眷盼惟吉凶之倚伏若糾紛之相

纏追子鵬集作庚子之占日應康成之夢年不云坐奠不暇撤

懸秦醫匪集作靡救丘禱徒然瞬息之間音容莫傳痛心驚

骨不可問天嗚呼哀哉平居所好脩竹芳草暇日之娛左

琴右書微言雅典集作曲斷而集作一斷不續高齋已空蘭蕙猶

馥門人行勸稚子抱哭語集作話言在耳悽慘滿目嗚呼哀

哉覽遺編以流淚集作涕痛明德以集作之無還撫諸孤之尚

蕝庶盛烈之斯存鄉路千里歸期九原寄觴豆以寫心見

平生之厚恩嗚呼哀哉

祭李祭酒文

前人

年月日守右補闕安定梁肅謹以清酌嘉蔬之奠敬祭

故國子監祭酒贈戶部尚書李公之靈惟公之德柔嘉惟

則敬義且直惟公之才文武是該不矯不回剖符七郡風

行雨潤有禮有訓連撫二藩如江如漢之屏之翰敷聞帝

庭爰用陟明乃拜司成是親集作勤是行時則不幸遘茲太

病薨於道路執識天命嗚呼哀哉追想曩昔大曆之中獲

見君子吳江之東靡適不隨無會不同于山于水于野于

寺提携宴喜荏苒半紀公鎮南方奄征江黃乖離兩鄉道

阻且長惠而好我簡牘相望于囊于箱厚意是將淑人君

子懷允不忘繆繫纓組列于朝序望公之來寤寐斯佇方

期欵遇爰笑爰語豈意長往集作逝終焉莫睹寢門一慟集作慟

哀意拆神沮誰云少別便是今古嗚呼哀哉古人所稱曰
仁與誼君子之道在功與事邦憲之雄元侯之貴存有盛
美歿有遺懿所恨伊何壽猶未至所悲伊何人失其庇嗚
呼哀哉九原連連乃在三原日月有時宅兆攸安某近職
是拘執紼無緣寄陳薄酌有慟何言嗚呼哀哉尚饗

為雷使君祭孟尚書文

前人

年月日具官某謹以清酌之奠敬祭于故福建觀察使兵
部尚書贈右僕射孟公之靈嗚呼上天集作天之不仁公薨于
位岳鎮傾圯士林殄瘁追論茂德忠敏恭懿仰惟盛才文
學政事昔在天寶濫觴登朝委自集作自洎中興鴻飛乃高入
覲京師出司藩條便繁中外聞望光昭我后統天式張百

揆公居右轄實摠聯事推轂西郊兵符攸寄俄被集作服

冕為王近侍無諸舊城人竄地僻詔曰爾諧出作侯伯數

求民瘼宣布王澤嶺表海壖夷風載革天下謂公耆德盛

名宜登岩巖為國老更方期集作期三壽忽夢兩楹天寶不

遺人誰仰成爰因集作自七閩歸于九京當時大旆今也明

旌嗚呼哀哉某自宦學則趨明哲邦憲府庭再參下列周

旋惠好以日繼集作繫月不慮不圖有存有歿皇恩軫悼寵

光集作贈昭晰邦人怨思祖奠悽噎談笑如昨音徽未昧臨

岐一觴以抒慘怛嗚呼哀哉尚饗

為杜尚書祭侍御史文

前人

惟公天挺貞淳肅恭溫仁以禮立志以道藩身惟靜惟動

克儉克勤正直自立邦家必聞久侍禁闈嘉名益振上曰
爾才監戎于閩身許九重禮達三軍軍中協睦罔或不親
朱紱煌煌映于銀章方期奏報歸侍天王外迫炎瘴內纏
膏肓不末斯年今也則亡浮江涉淮遠窆舊疆丹旆翩翩
言過維揚某早接公游仍弔公喪追懷宿昔感涕沾裳秋
目悽悽浮雲無光敬陳薄奠悲塞中腸嗚呼哀哉伏惟尚
饗

祭李處州文

前人

年月日淮南節度掌書記殿中侍御史內供奉梁肅謹以
清酌庶羞之奠敬祭于故處州刺史隴西李公之靈和氣
訢合乃生靈芝乃流醴泉降于人倫是爲俊賢猗歟李公

有德有言煌煌九葩澹澹一源弱歲含章典教弘文

太丘遺愛斯存于越于宣先在西

集作西

潘名高

集作登

蘭臺

風動翰軒濯纓歸朝拜踐郎官鴻鵠入冥白雲在天或謂

盛才宜管絲綸潤色謨訓以垂後昆官無中人吾道不興

留滯周南退守恭陵剖符于處美化斯弘雲油露濡山靜

江澄解印歸來考槃是卜龍沙游衍餘干耕鑿與道爲徒

以農代祿河洛識緯桓譚不

集作非

學草玄法言揚雄有作

志一窮通身安淡薄遇酒便醉工文且博脫遺形骸形奄

就冥漠士友歿瘁翰林凋落

集作一

鳴旣合爰要乃申四

海兄弟如公幾人公去南州角巾衡門予集艱棘哀慙苦

辛眷恤何深弔問慇懃江湖眇然書札相因方期歲暮以

德為隣今也則亡吾誰與親卸攸無嗣桑扈反真天道茫
昧誰云與仁嗚呼哀哉我圖其室得公之出相維茂族于
以納吉眷彼三星成之不日魂而不亡知此親昵嗚呼哀
哉季奉裳帷九原是歸葬於洛表路出淮夷平生歡愛一
慟申悲已矣夫子忽乎何之旨酒盈樽幽明此辭尚饗

為杜東都祭竇廬州文

前人

年月日具官某謹以清酌之奠祭于故廬州刺史扶風竇
公之靈嗚呼惟天難諶惟命罕言倚伏同域吉凶一門公
之茂行蕪直而温公之達才卓爾不群保身以正為政以
仁宜錫難老集作壽考以庇斯民如何降凶奄忽反真伊昔登
朝厥猷則茂柱下執法南官草奏赤縣浩穰四方輻輳

公下車善政俄報廬江曠守人或未康惠君既來美化洋
洋治而有禮俾人知方予忝蕪問實知循良將以上聞冀
殊寵章命之不淑曾是隕喪嗚呼哀哉追想曩昔接公周
旋惠好斯存如蘭如荃間者睽闊東西累年會遇于茲談
笑依然別未集作未數旬遽歸九泉孰為福善殲此仁賢官
守所羈祖莫無緣寄誠薄酌有恨何言嗚呼哀哉尚饗

為人祭柳侍御史文

前人

年月日具官某謹以清酌庶羞之奠敬祭于故侍御史柳
公之靈惟公以孝友承家以直方從政以温厚行已以敬
讓與人作掾大邦有親信之稱典司通邑著循吏之名冠
惠文佐蕪問輔軒所指吏肅風變列郡攸攝斯人以寧方

將荷餘慶而介景福播令名而延大耋天不與善命也有
終士林怛集作相駭親友歛歎嗚呼哀哉某等獲與公游聯
職戎司適云少別俄見凶歸于以設奠出乎郊岐魂也何
之幽明此辭嗚呼哀哉尚饗

祭屯田柳郎中文

權德輿

維建中二年歲次辛酉某月朔日試右金吾衛兵曹參軍
權德輿謹以清酌時羞之奠敬祭于故屯田郎中柳公之
靈在集作有漢理平子陵退耕運鍾明時公遂性情典校司
諫便蕃清秩南宮之拜詔書三出中朝虛左公志不屈優
游化源消息心術四時芬芳百鍊精剛德克於中用晦彌
光是非萬殊不滑其常和易內蘊發於文章性命之際希

夷之域理無不窮言必冥極救彼文勝作為典式扶教立

言實在清德時方逐進公則尚退文武集作人或是外獎公則

理內獨立不惑以身矯世萬頃淵然孰知其際顧惟小子

猥奉音徽賞則過實勗常中非日想德容心存清機今則

不見涕流沾衣嗚呼哀哉人世則異清風不匱德帳寥寥

泉臺下閔常聞福善今也無嗣立命如何斯文其墜尚饗

祭海陵李少府元易文

前人

維建中三年歲次壬戌某月朔日試右金吾衛兵曹參軍
權德輿謹以清酌時羞之奠敬祭于故海陵縣尉李君元
易之靈我得元易于茲三年粹秀清和仁義在焉行有餘
裕其文燦然五字之中含寫風煙巖扉舊隱常聞清興諸

生討論雅有時稱初與盧群德倫同隱居于譙山理實歸研境無迓勝嘉

招既至虛中以應從容解巾作尉江濱退以直道進無其

人性志彌篤郊居食貧衡茅之下孤石藁筠連墻者何則

有元鈞元鈞名崱君之族父探味玄奧踈適心神晚獲觀止心乎愛

矣扁舟往復就館于子靜賞烟霞深窮名理友直友諒惟

君是以集作已行不苟容必俟良工棧繫絕足橫閉銛鋒竟

嗟不試一命淪躡身沒跡晦靡申素志惟富與壽君則不

至人皆有子君獨無嗣總帷飄飄靈坐深閔幽顯此殊鳴

呼元易尚享

祭李處士穠子文

前人

惟貞元二年歲次景寅十月朔日試右金吾衛兵曹參軍

權德輿謹以時羞之奠敬祭于故李處士十六兄之靈惟

先吏部文德冠時天下翕然有所宗師鍾美於兄式克似

之爰自穉歲澹然清姿惟我與兄世有舊歡應若墳麓芳

若芝蘭居易處厚中明外寬發於濬源激為清瀾放懷外

物清機善謹討論不倦名教為樂迭用古義以相博約先

王觀風命史陳詩雅南之後其道日醜騷楚怨思王風澆

夷升降之儀與代相隨國朝數公稍振舊風兄實求已服

勤於此敷陳麗則不野不史含寫佳境優游精理七發未

終俄驚不起追惟前年訪我由集作拳拳握手開襟慙慙款

言孰謂此訣死生間焉今我來斯舊館依然文伯既沒敬

姜哀慟子敬下世徽之未痛嗚呼哀哉流形賦命孰主張

是昏囂闡耳或壽或貴方直清明乃夭乃否如何斯人才
命不侔未室未仕溘與化俱志業靡申沉痛泉壚福善與
仁胡其忽諸嘉穀在籩旨酒在壺寄此一慟沈瀾涕濡尚
饗

祭李祭酒文

前人

維貞元七年歲次辛未五月朔日故吏前江南西道觀察
支使監察御史裏行權德輿謹以清酌時羞之奠敬祭于
故國子祭酒李公之靈伏惟峻閼洪宗有勞有忠光曜北
朝黎中繼封世名清純以至先公彌綸盛時德位昭融文
武吉甫克嗣其風儲慶發淳擇乎中庸天寶中年仕無異
門講道積學五經綸紛以能設集作官校理秘文温若

質郁如蘭薰絃琴峩峩擁傳麟麟兩無留事並著嘉聞
輿佐理剖竹為政均彼化條簡其徵令風行草靡飲和發
咏難理之時四封謐靜累遷太郡亦佐成師宣其馨香蠲
彼癘疵時有行止道無磷緇虛中十年觀我靈龜大君嗣
位推擇良守乃眷上游作藩夏口報政獻功察庶一方再
扞大憝以完南邦盡殪舟師王旅乃張眾寡相懸以律而
臧就加副相乃鎮西江來權去懷金石洋洋剛柔全德蹈
履不忒外無牆藩之峻中踐夷坦之域為仁由已率誠不
飾播厥美利根於易直災去水火人滋衣食流庸胥附生
齒益息亦既七年慰安斯人用知止封章乞身朝典崇
儒徵拜成均遽歎莫俄驚返真猥以蒙蔽并塵盛府重

問綉禮蓬萊之下惠愛博一作悼非約深誠見與左右彌縫愧
無所取九江拜手浹日前期如何奄忽過隙生悲羊分峴
首良會無時更亮樓中末絕清機前歡幾何圓魄總缺承
訃長慟潏浚涕咽返葬迢迢西周古原柳車芻靈飛旆翻
翻體魄則降德馨長存拜奠心碎難酬舊恩尚饗

祭薛殿中文

前人

維貞元七年歲次辛未某月朔日前監察御史裏行權德
輿謹以清酌庶羞之奠敬祭于故殿中侍御史薛七兄之
靈有生必化大鈞之方盛極而衰乃理之常又曰善慶鍾
爲福祥今則繆鑿天乎茫茫追世世明靈夙播馨芳鮮巾秘
府累冠神羊清明之用一自鍊堅剛麗藻之文六律鏗鏘嘉

言婉婉令問章章靖恭端和休有耿光總踰強仕未幾

行衆情顛然日遲騫翔早維通舊已飲馨香晚忝嘗

集作常

寮載換星霜府庭同舍居室鄰墻切劑惠愛何可弭忘憶
昨從公沿泛長江賓榻初散雲帆並張晨登佛廟晚眺魚
梁善謔理窟清言智囊既濟江浦俄驚府喪同歡未幾今
也則亡古稱滅孫德遠流長遽歎伯道求絕蒸嘗嗚呼不
膺難究蒼蒼上歸元窳集作無莫下閔幽荒呼天者兄晝哭者
孀琴書已矣行路悽傷柔嘉備遠澄齊蒲觴神其格斯揮
涕浪浪尚饗

文苑英華卷第九百八十一





